

再版  
第四册

高級  
小學  
歷史課本

上海土山灣印書館印行

No 735

# 高級小學歷史課本第四冊

## 目錄



MG  
G620.41  
42  
2

第一課	南朝 宋齊	見一頁	第十課	五代 漢周	見五三頁
第二課	南朝 梁陳	見六頁	第十一課	十二國	見五六頁
第三課	北朝 後魏	見十三頁	第十二課	宋	見五九頁
第四課	北朝 東西魏	見十八頁	第十三課	南宋	見六八頁
第五課	北朝 齊周	見廿二頁	第十四課	遼金夏	見七四頁
第六課	隋	見廿九頁	第十五課	元	見八十頁
第七課	唐上	見三四頁	第十六課	明	見八六頁
第八課	唐下	見四十頁	第十七課	清	見九三頁
第九課	五代 梁唐晉	見四八頁	第十八課	中華民國	見九九頁


高級小學歷史課本 第四册

歷代人物下

本册各課，與第二册諸課貫聯，互相參閱，方得要領。

第一課 南朝○宋 齊

劉宋之世，王鎮惡佐成霸業，檀道濟屢挫敵鋒，毛德祖誓與城俱斃，宗慤志萬里長征，皆一世之雄也。逮至元嘉，顏謝文章，范曄史策，傳誦千古，亦曰美矣。蕭道成之篡，王儉褚淵奉璽以從，謝朓裴顗掛冠徑



去、同為宋臣，志節何異也。永明末，文章復盛，竟陵八友，至今稱之，而沈約尤顯焉。

譯義

當劉宋的時代，王鎮惡幫助武帝成功霸業，又有檀道濟屢次逐退敵人，又有毛德祖守虎牢城，城破後，寧死不肯投降，還有宗慤

願趁風浪，到萬里外行軍，這幾位都是名震一世的英雄。到了元嘉時候，有顏延之謝靈運作文章，范蔚宗編史策，傳到如今，人人喜讀，却是好極了。

到了蕭道成篡奪宋朝帝位的時候，有王儉褚淵兩人，捧了傳國璽，領着百官，從道成去了。同時有謝朓死不肯從，一溜而走。又有裴顛數道成罪，掛冠徑去。他們同是宋朝的臣子，但是所抱的志節，何等不同呀！及到永明的末年，重新興了文學，像竟陵王的八個學友，都出了名，八友中最有

名的要算  
是沈約。

### 王鎮惡

王猛(見第二冊十七課)之孫，苻氏敗，鎮惡奔晉，或荐於劉裕，裕與語悅之，曰：吾聞將軍有將，鎮惡信然，即以爲中軍。

參軍裕之討劉毅，却魏人，滅姚泓，復長安，鎮惡之功居多。

### 檀道濟

從武帝征洛陽，獲秦人四千餘，議者欲盡坑之。

道濟曰：弔民伐罪，正在今日，皆釋而遣之，夷夏感悅，所至望風降附。文帝時，督師伐魏，三十餘戰多捷，有亡卒降魏，具告以食盡，魏人追之，衆有餘，以降者爲妄，斬之。道濟全軍而返，威名籍甚，朝廷頗疑畏之，帝疾篤，彭城王召道濟入朝，收而欲誅之。道濟怒目如炬，脫幘投地曰：乃壞汝萬里長城，魏人聞之，喜曰：道濟死，吳子(謂宋人)不足懼矣。後北魏來侵，至瓜步(在江蘇六合縣東南)，帝登城有憂色，嘆曰：道濟在，豈使胡馬至此。

### 毛德祖

宋廢帝元年，魏人圍攻虎

牢(在今河南成臯)德祖於城內穴地入七丈分爲六道出魏圍外募敢死之士四百人從穴中出掩襲其後魏兵驚擾斬首數百級焚其攻具而還。後魏人復來攻虎牢圍之二百日無日不戰毀其外城德祖於其內更築三重城以拒之。魏人又毀其二重德祖惟保一城晝夜相拒。魏人乃作地道以洩城中井。城中人馬渴乏被創者不復流血重以飢疫城乃陷將士欲扶德祖出德祖曰我誓與此城俱斃義不使城亡而身存也。魏人卒虜之北去而歿焉。

### 宗 愨

少時從父炳問其志。愨曰願乘長風破萬里浪後官振武將軍伐林邑(今安南)

南國境入象浦其國裝象以戰。愨製獅相禦象皆驚奔克林邑珍寶山積一毫不取。

### 顏 謝

顏延之謝靈運也延之字

延年少孤貧好讀書無所不覽宋既受命恒參朝列其爲文洵筆直書體裁縫密情喻淵深自晉潘岳陸機後文字莫及也。○靈運晉謝玄(見第一冊十六課)之孫也襲封康樂公文章之美江左爲冠與延之齊名世稱顏謝焉。○靈運族弟惠運族子莊鮑照袁淑俱有文譽。

范曄

字蔚宗，初不得志，乃剛衆家後漢書爲一家之作，自范書行而衆家並廢矣。當時裴松之與子駟俱好史學，松之注陳壽

三國志駟著史記集解並爲不朽之作。

王儉褚淵謝朓裴顛

宋順帝既下詔

禪位於齊王道成，臨軒泣而彈指曰：願後身世世勿復生天王家。宮中皆哭。時侍中謝朓在直，當解璽綬，陽爲不知，曰：有何公事。傳詔云：解璽綬授齊王。朓曰：齊自應有侍中，乃引枕臥。既而朝服步出宮門，登車還宅。乃以王儉爲侍中，解璽綬。褚淵奉璽綬，帥百官詣齊宮勸進。淵拜爲司徒，賀者滿座。淵兄炤嘆曰：彥回淵字也。少立名行，何意披猖至此。門戶不幸，乃復有今日之拜。河東裴顛上表，數齊帝過惡，掛冠徑去。帝怒之。殺

竟陵八友

宋自明帝以後，文理漸替，及齊武帝永明之際，始復盛。竟陵王者，武帝第二子也。禮

士好藝，天下詞客多集其門。蕭衍（卽梁武帝）王融、謝朓、任昉、沈約、陸倕、范雲、蕭琛八人，尤見敬異。號曰竟陵八友。謝朓長於詩，任昉陸倕長於

筆、沈約則文筆兼美。約歷齊入梁，位顯譽隆，著晉書百一十卷，宋書百卷，齊紀二十卷，高祖紀十四卷，宋文章志三十卷，文集一百卷。外有邇言證例四聲譜等書。

### 設問

○南宋時，佐劉裕成霸業者誰？○南宋良將首推誰，何謂唱籌量沙？○誓死守城者誰？○宗慤於何著名？○元嘉時，文章最著者誰？今之後漢書為誰所著，其他好史學者誰？○蕭道成篡位時，宋臣志節如何？○何謂竟陵八友？○八人中位最顯，譽最隆者誰，

著有  
何書。

## 第二課 南朝續○梁 陳



蕭衍既受齊禪，文士翔集。徐勉、范雲相國政，沈約、江淹擅詞壇，劉勰、鍾嶸評詩文，裴子野、蕭子雲治史學，彬彬風雅，盛極一時。及侯景納禍亂始作，武帝父子並歿。於是陳霸先王僧辨起兵討景，羊侃殺之。元帝安位江陵，而魏人侵逼，敬帝立，僧辨死，而帝祚復移矣。

霸先既受祚，徐陵爲一代詞宗。後主荒淫靡麗，強鄰

# 日逼縱有義士吳明徹陳叔慎魯廣達蕭摩訶輩亦無所爲力陳祚以亡。

## 譯義

梁武帝蕭衍受了齊王禪下的位，一般文人學士風從影附，就有徐勉范雲輔理國政，沈約江淹主持文壇，劉勰鍾嶸評論詩

文，裴子野蕭子雲編輯史書，翩翩楚楚，盛極一時。及武帝任用了侯景，禍亂紛起，甚至武帝餓死臺城，他的兒子亦被廢見弑。於是陳霸先王僧辨起兵討伐，侯景敗走，被羊侃殺死。王僧辨等就立武帝第七子名繹的，即位江陵，號曰元帝。不料只過三年，魏人宇文泰打了進來，元帝就死。他的兒子方智即位建康，號曰敬帝。不料王僧辨被北齊人迫逼，立了武帝的孫子名淵明的陳霸先便托辭殺了王僧辨，後即廢了敬帝，自己稱帝，梁的國祚就此告終。

陳霸先登了帝位，就用徐陵，却是一代的好手筆。陳祚傳五代，到了後主叔寶手裡，荒淫度，玩文弄詩，於是強鄰起兵進逼，雖有吳明徹、陳叔慎、魯廣達、蕭摩訶等一般義士，也沒用處，陳朝就滅亡了。

### 徐勉

字修仁，初為禮部尚書，精力過人，雖案積客滿，手不停筆，應對如流。既而與范雲同為侍中，雲以骨鯁稱，勉亦不阿合，當

時並稱賢相。○范雲為竟陵八友之一，見上課。

### 沈約

見上課，入梁為尚書令，好誘納後進。

### 江淹

字文通，少時夢人授五色筆，由是文藻日新。宋武帝時起家，歷齊入梁，世稱江郎。有前後集。齊史十志。○其時王筠、張率、何遜、劉孝綽、吳均之

倫，凡數十人，並為詞壇名流。

### 劉勰

字彥和，早孤，篤志好學，昭明太子深愛接之。勰撰《文心雕龍》五十篇，沈約謂為

深得文理，常陳諸几案。至今人愛讀之，推為評文家之渠子。

### 鍾嶸

字仲偉，梁時為晉安王記室，嘗評古今五言詩。

論其優劣，分上中下三品，名曰詩品。

### 裴子野

字幾原，松之（見上課）之曾孫也。承其先世史學，不尙麗靡之詞。

嘗剛沈約宋書爲宋畧二十卷，約見而歎曰：吾弗逮也。

### 蕭子雲

字景喬，齊高帝之孫，年十二封新浦縣侯。

自製拜章，頗有文采。入梁，著晉代全書表奏之。

### 侯景

魏懷朔鎮人，東魏丞相高歡以景鎮守河南，歡卒，以河南降梁。

武帝受之。已而東魏擊敗之，景剩步騎八百歸壽陽，帝許之。由是景反，以帝姪正德爲內應，武帝餓死臺城。簡文帝立，景矯詔進相，國封漢王。

號宇宙大將軍，卒廢簡文而殺之。於是陳霸先（卽後陳武帝）王僧辨奉武帝第七子繹卽位江陵，起兵討景。景大敗，東走於吳，爲侍中羊侃所

殺，送尸建康。

### 魏人又逼

文帝留都江陵，使王僧辨鎮建康。西魏宇文泰來伐，昭明太子之子譽亦以兵

來擊。帝徵僧辨來援，未及，江陵城陷，帝被囚而死焉。（參閱第二冊二課）

### 敬帝

元帝崩，王僧辨陳霸先立元帝子方

智於建康，是為敬帝。先是，武帝兄懿之子淵明，被虜於東魏。及高洋篡魏，見第二冊五課，復以兵納淵明，令帝梁兵拒之，大敗。僧辨懼，迎淵明入建康即位，以敬帝為太子。霸先請敬帝為孝元子，何罪而忽廢之，遂攻殺僧辨，廢淵明，復奉敬帝為主。又三年，弑之而自立。

### 徐陵

字孝穆，陳武帝與文帝之世，國家有大手筆，皆陵草之。其文緝裁巧密，多有新意。每一文出手，好事者已傳寫成誦，被之

華夷。○同時江總、陰鏗、姚察、虞荔、虞寄、顧野王、周弘讓、張見正之流，並一時之選。

### 後主荒淫

後主不理

政務，日與江總（見上）、陳暄、孔範亦作孔有範、王瓊等十餘人，當時謂之狎客，游宴後庭。又以宮人有文學者，袁大捨等為女學士，與狎客互相

酬唱，有玉樹後庭花曲。君臣昏亂，以至於亡。

### 吳明徹

幼孤，性至孝。陳宣帝議征北齊，明徹決策請行，進克

仁州，逼壽陽，擒王琳等，進攻彭城，大破齊軍。尋與周梁士彥相拒，周遣王軌遏斷船路，明徹潰於呂梁，窮蹙被執，卒於長安。

### 陳叔慎

字子敬，宣帝第十六子，封岳陽王。隋兵下湘州，州內將士謀且降。叔慎置酒大會，酒酣，嘆曰：「君臣之義，盡於此乎？」長

史謝基伏地流涕。時遂與侯正理憤然起曰：「主辱臣死，諸君獨非陳臣乎？縱其無成，猶見臣節。」遂與衆盟，遣人詐降，誘隋將龐暉伏甲斬之。已而隋楊素兵至，叔慎被殺。

### 魯廣達

字通覽，少慷慨，立志功名。隋兵入，廣達躬擐甲胄，手執桴鼓，拒賀若弼於鍾山。若弼屢退，已而勢不支，乃解甲面臺，再拜勸哭曰：「我不能救國，負罪多矣。」士卒皆涕泣。後入隋，追痛本朝，憤鬱而死。

### 蕭摩訶

字元胤，隋兵襲京口，摩訶請逆戰，不許。隋兵至鍾山，又請，又不許。及隋兵大至，後主乃言：「公可爲我一決。」摩訶曰：「從來行軍，爲國爲身，今日之事，兼爲妻子。」已出軍，諸將支離，陣未合而先潰。摩訶無所爲力，被執，見隋將賀若弼，請曰：「今爲囚虜，命在斯須，願得一見舊主，死無恨。」弼許之。時後主已被幽，摩訶入見，俯伏號慟，仍入舊厠取食進後主，辭訣而出，守衛者皆至，不能仰視。

# 設問

① 梁武帝朝，以誰輔政。② 其時擅詞壇者誰，評詩文者誰，治  
 史學者誰。③ 侯景何處人，何如叛，殺若干帝。④ 擊敗景者誰，  
 誰殺之。⑤ 來攻元帝者誰。⑥ 王僧辨何故被殺，為誰所殺。⑦ 陳時誰為  
 詞宗。⑧ 後主時，君臣昏亂何如，何以失國。⑨ 陳末忠臣，可舉一二否。

## 第三課 北朝(一) 後魏

北魏方盛時，奄有中國之半，中國賢才，廣為羅致。其  
 以經國著稱者，曰古弼、崔浩、高允。以文章顯世者，曰  
 溫子昇、邢邵、魏收之流也。魏政既衰，擅廢立，主篡弑

者，則曰宗愛、忝、朱氏、高歡等，類為彼族之人矣。

譯義

北魏興盛的時候，據着中國一半的土地，搜羅中國的文人才子，其中善理國政的，有古弼、崔浩、高允等，文章出名的，有溫子

昇、邢、邵、魏、收等。魏政衰敗以後，便有宗愛、忝、朱氏、高歡等專權，廢立君主。這般大概是他們同族的人。

古弼

代人，歷位吏部尚書、明元帝（見第二冊第三課）詔以肥馬給獵騎，弼給弱馬。帝怒，欲斬之。弼曰：「吾不備游佃，其罪小。不備

國用，其罪大。今蠕蠕（北魏國名）方強，南寇未滅，吾為國遠慮，死何傷？帝喜，賜衣一襲，曰：「筆公社稷臣也。」（弼頭尖，時人呼為筆公）。

崔浩

東武城人，父宏，事道武帝，為吏部尚書。時命有司制官爵，撰朝儀，協音樂，定律令，申科禁，宏總裁之，勢傾朝廷，而儉約自

居，不營產業，拜大部大人。浩少好學，博覽經史。明元時，拜撫軍大將軍，凡軍國大計，所不能決者，皆先諮浩，然後行。浩不好老莊，尤不好佛，境



內塔廟，毀滅幾盡。既而受寇謙之之術，上書推崇道教，通國行之。浩遂不齒於儒者。後奉詔總理史務，撰國書三十卷。太史令請立石銘勒，以彰直筆。北人憤嫉，構於帝，以爲暴揚國惡。浩遂族誅。

### 高允

（同條）人，與崔浩同館史職。浩被收，太子召允，使言國書

皆浩所爲。且入言允，小心慎密，請赦其死。允見帝曰：浩總裁而已，至於編撰，臣多於浩。帝怒，欲誅之。太子曰：允迷亂失次耳。臣鄉問，皆云崔浩所爲。帝復問之，允對曰：臣罪當族誅，不敢虛妄。殿下哀臣，欲勾其生耳。帝曰：直哉！此人情所難，而允能爲之，遂赦之。允尤見重當世，歷事五帝。

卒年九十  
八，謚文。

### 溫子昇

字鵬舉，晉溫嶠（見第三册十六課）之後也。博覽百家，文章清婉。孝明帝時，對策高第。

補御史臺中文筆，皆子昇爲之。梁武帝見其文筆，嘆曰：曹植陸機復生，北土恨我辭人，數窮百六，百六謂厄運也。宋游道集其文筆爲三十五卷。

### 邢邵

字子才，河間人。十歲便能屬文。聰明強記，日誦萬餘言。讀漢書五日畧徧。年未二十，名動衣冠。既參朝列，

屢掌文誥。帝命誦章，俄頃輒就。詞致宏遠，獨步當時。與子昇齊名，世謂之溫邢。

### 魏收

字伯起，鉅鹿人。年十五，能屬文。

節閔帝召試，下筆便就。與溫子昇、邢、齊名，稱曰邢、魏。奉詔撰魏史，是非頗失實。夙有怨者，多沒其善，以是衆怨沸騰。時有穢史之號。○是時

袁翻、袁躍、常景、裴敬憲、盧觀、封肅、邢藏、裴伯茂、邢昕，俱有文名，入魏文苑傳。

### 宗愛

闔人，事太武帝，爲中常侍，累官

太師。時太子晃，寵給事中，仇尼道盛愛，因見惡，遂構道盛罪，辭連太子。帝怒，斬道盛。晃以憂卒。帝後知太子無罪，追悼不已。愛懼誅，遂弑帝，立

南安王余。不半年，又弑之。卒爲尙書源賀等所誅。

### 朱榮

朱榮，北秀容人，明帝時，都督六州諸軍事。時胡太

后臨朝，性淫，幸鄭儼、徐紇，二人表裏弄權。帝密召榮與兵，脅太后去儼、紇。儼、紇大懼，酖帝，立釗。榮兵至洛陽，執太后及釗，沈之河陰。河乃立子

攸，是爲孝莊帝。榮爲大丞相，求九錫，遙制朝權。帝乃設計手刃之。○朱兆，榮之子也。聞榮死，起兵赴洛，執帝，鎖之，遷之晉陽，弑之於佛寺。而

立晉帝曄。高歡乃舉兵問兆弒逆罪。大破兆軍。兆北走秀谷。自縊死。○  
忝朱世隆兆從叔也。政帝立以爲尙書令。旣總朝政。生殺自由。乃廢敬  
帝而立節閔帝。  
卒爲高歡所殺。

### 高歡

帝。僭人。忝朱兆旣誅。歡封渤海王。以節閔  
帝神采高明。恐後難制。又爲忝朱氏所

立。遂廢而弒之。擁立孝武帝。歡爲大丞相。專權。帝使關西大都督宇文  
泰圖歡。尋以歡勢日逼。遂去洛陽。奔長安。就宇文泰。歡追之不及。請之  
不報。以爲社稷不可無主。乃立孝  
靜帝。由是魏有二主。而分東西矣。

## 設問

○中國人。仕於魏廷。而著聞者誰。其事可得略聞乎。○北  
魏文章最優者誰。其次爲誰。○魏季擅廢立篡弒者誰。各

事始末。可略述否。○元  
魏何如。分爲東西二魏。

### 第四課 北朝(二)○東西魏

魏既分裂，東高歡，西宇文泰，各挾其主，血戰連年。高敖曹、免胄巡城，彭樂截腸接戰，王思政托身保城，章孝寬百計禦敵，兩魏健將衆矣。然兄弟相殘，生民塗炭，而卒共歸滅亡，君子無取焉。

#### 釋義

後來北魏分做東西兩魏。東魏有高歡，西魏有宇文泰，各自挾了自己的主子，連年血戰。其時東魏有高敖曹的，三次中

了流矢，死而復蘇，還躍登馬上，卻了盔甲，梭巡城下。又有彭樂的，被刺腸出，遂把肚腸截去，接連上戰。至於西魏有王思政的，自願就執被囚，保全

城衆生命。韋孝寬隨機設策，抵禦敵人。東西魏健將勇士可算多了，到底他們究竟是弟兄，彼此殘殺，害得百姓顛連困苦，未了兒兩國一同滅亡，是智者所不屑道的。

### 高敖曹

敖曹，高乾弟。乾曉達時機，爲高歡所重。以洩漏機謀，孝武帝誅之。敖曹投高歡，孝靜帝時爲司徒。高歡攻潼關，

敖曹攻上洛，被流矢中者三，殞絕良久，復上馬，免胄巡城。後攻金墉，一軍皆沒。敖曹單騎走，投高永樂，永樂閉門不受。追兵至，敖曹伏橋下，知

不免，奮頭謂追者曰：「來，與汝開國公。」斬敵將者，得封開國郡公。故云。追者斬其頭去，賞布絹萬段。

### 彭樂

樂，勇善

騎射，從高歡戰於沙苑。乘醉，深入西魏之陳。西魏人刺之，腸出。納之，不盡。截去復戰，身被數創而還。徐復戰，馳入宇文泰營，虜將卒四十餘人，追泰。泰嘗謂之曰：「癡男子，今日無我，明日豈有汝耶？」何不急還營，收我金寶有之。樂如其言，獲泰金帶一囊，以歸。高歡怒其失泰，令伏地，舉刃

將下者三。樂曰：乞五千騎，復為主取之。

### 王思政

思政，為宇文泰所信。

任，每戰，着破衣弊甲。金墉之役，思政重創，悶死。敵不知其為將帥也，得免。東魏高澄攻潁川，思政守長社。城將破，澄令城中曰：有能生致王將軍封侯者，若王將軍有損傷，親近左右皆斬。思政率眾據土山，告之曰：吾力屈計窮，惟當以死謝國。因仰天大哭，西向再拜，欲自刎。左右曰：公常云：汝齋我頭出降，非但得富貴，亦完一城人。今高相既有此令，公獨不哀士卒之死乎？思政遂被執，澄以其忠，所事禮遇甚厚。

### 韋孝寬

王思政舉孝寬，鎮玉壁。高歡圍攻之，晝夜不息。孝寬隨機拒之。城中無水，汲於汾。歡使移汾，一夕而畢。歡於城

南起土山，欲乘之以入。城上有二樓，孝寬縛木接之，高於土山，以禦之。歡乃鑿地為十道，孝寬浚長塹，截其地道，選戰士屯之。敵穿地道至塹，戰士擒殺之。又於塹外積柴貯火，敵有在地道內者，塞柴投火，以皮排（風箱之類）吹之，一鼓皆焦爛。敵以攻車撞城，孝寬縫布為幔，隨其所向，

惡空張之，車不能壞城。敵又縛松麻於竿，灌油加火以燒布。孝寬作長鉤，利其刃，遙割火竿，松麻俱落。敵又於城四面穿地爲二十道，道中架梁柱，縱火燒之，柱折城崩。孝寬隨崩處，豎木柵以扞之。歡無如之何，使說之降。孝寬曰：「孝寬關西男子，必不爲降將軍也。」歡乃射募格於城中云：「能斬城主降者，拜太尉，封開國郡公，賞帛萬匹。」孝寬手題書背，返射城外云：「能斬高歡者，準此歡智力皆困，疾發，解圍去。」西魏以孝寬進爵建忠公。

## 設問

在。①東西兩魏柄政主戰者誰。②高歡宇文泰相伐，其意何在。③東魏之健勇尤著者誰。④西魏之忠勇尤著者誰。⑤東西兩魏是爲兄弟之國否，相伐之結果何如。

第五課 北朝(三)○北齊 北周

齊之篡魏也。高澄謀之。而高洋成之。齊之敗亡也。起於和士開等八貴用事。繼之以祖珽。陸令萱。穆提婆等。殺趙郡王叡。琅邪王儼。咸陽王斛律光等。國事日傾。卒滅於周。其時學者首推祖鴻勳。顏之推二人。其文章至今猶存也。

宇文泰歷弑魏二主。及周受禪。宇文護亦弑周二主。



俱泰之子也。天道不爽，蓋如是云。周武帝之滅齊也，宇文憲功最高，而卒被殺，盛滿難居，古今同慨。北周文士，則推蘇綽、王褒、庾信之儔。然類皆南人，爲北所留者也。

### 義譯

北齊篡得東魏的國土，起謀的是高澄，成功的是高洋，得到疆土以後，先有和士開等八人，專權用事，復有祖斑、陸令萱、穆提婆等，殺了趙郡王叡、琅邪王儼、咸陽王斛律光等，從此國事日非，結果被周武帝滅了。當北齊的時代，讀書人出名的，首推祖鴻勳、顏之推二人，他們所著的文章，至今尚存在着。

北周宇文泰弒過西魏的二主，及周開了國，宇文護也弒二帝，即是宇文覺及宇文毓都是宇文泰的兒子。人家說天道循環報復，竟然如此。當周武帝滅北齊的時候，宇文憲的功勞要算最大，後竟被姪宣帝殺死。名望太盛，便難安居，古今一轍，誠是可悲。北周的文學士，要算蘇綽王褒庾信等，他們大半是南方人，物被北方扣留使用的。

**高澄** 澄為高歡長子。歡恥遜君之嫌，既立孝靜帝，奉之甚恭。歡死，澄當國，倨慢無禮。帝謀誅之，不果。已而澄進位相，國封齊王。

謀受魏禪。膳奴蘭京冒言進食，置刀盤下，殺之，諡文襄。

**高洋** 見第二冊第五課。  
**和士開**

士開，清都人，以善握槊博戲之類，彈琵琶，有寵於武成帝。湛言辭容止，極鄙褻，嘗謂帝曰：自古帝王，盡為灰土。堯舜桀紂，竟復何異。陛下宜及少壯，極意為樂。一日取快，可敵千年云。帝大悅。士開又說帝禪位太子緯，以專事淫樂。帝從之。緯既立，益重士開，盡以國事委任之。於是士

開、婁定遠、趙彥深、元文遙、唐邕、綦連猛、高阿那肱、胡長粲八人俱用事，同惡相濟，時號八貴。

### 祖斑

帝時，斑位時。

為秘書監，欲求宰相，乃疏士開等朋黨弄權，賣官鬻獄事。上皇（即武帝）大怒，徙斑光州，置地牢中，桎梏纍身，夜以蕪菁子為燭熏之，雙眼失明。已而出之，除海州刺史。士開欲除異己者，以斑有膽略，欲引為謀主，言於帝，召入為秘書監，悉棄舊怨，虛心待之。斑權位日重。

### 陸令萱穆提婆

令萱，夫駱超，坐謀叛誅，令萱配為宮婢，子提婆亦沒為奴。令萱巧黠，善取媚，有寵於

胡太后。於是擅威福，引子提婆入侍齊主。朝夕戲狎，累拜至武衛大將軍。宮人穆舍利有寵於帝，令萱欲附之，因令提婆冒姓穆氏。和士開等諸幸臣亦皆依附之，以固其權。

### 高叡

叡封趙郡王，為太尉。久典朝政，清正不阿，欲去和士開，出之為兗州刺史。士開譖之，帝責叡以不臣之罪。叡入諫固爭，士開使兵伺其出，執送華林園，拉殺之，朝野惜之。

### 高儼

儼為帝之弟，

封琅邪王。以和士開穆提婆等專橫奢縱，意甚不平。二人惡之，乃出儼居北宮，奪其兵權。儼乃令人表彈士開罪，執士開斬之，并謀殺陸令萱。穆提婆母子，帝使召儼，儼不至。帝自出，儼乃前。帝拔儼所帶刀，亂築辯頭良久，乃釋之。已而陸令萱說帝曰：人稱琅邪王聰明雄勇，觀其相表，殆非人臣，宜早為之計。帝密迎祖珽，問之。珽以周公誅管叔對。帝意乃決，乃給儼出，使人拉殺之。遺腹四男皆幽死。

### 斛律光

祖珽勢傾朝野，左丞相咸陽王斛律光惡之，遙見輒罵之曰：盲人謂祖珽入國必破矣。珽與陸令萱穆提婆等

譖光謀反，帝乃使人拉殺之，并使人斬光弟羨。光長子武都及羨五子皆死。光雖貴極人臣，性節儉，不好聲色，不貪權勢。行兵時，身不脫介冑，常為士卒先，衆皆爭為之死。羨亦善治兵，士馬精強，障候嚴整，突厥畏之，謂之南可汗。周主問二人死，為之大赦。國內後既破齊，指光名曰：此人在，朕安得有今日。

### 祖鴻勳

涿郡范陽人。臨淮王彧表荐之，除奉朝請。鴻勳不以謝。人怪而問之，鴻勳曰：為

國舉才臨淮之務祖鴻勳無事從而謝之或聞而喜曰吾得其人矣

### 顏之推

字介琅邪臨沂人聰穎機悟博

極羣書詞情典麗領中書舍人齊亡歷周入隋太子召為學士甚見禮重尋以疾終今傳顏氏家訓二十篇列在子家

宇

### 文泰

魏孝武帝以七月奔長安依秦十二月秦弒之立南陽王寶炬寶炬立欽僅三年秦又弒之立欽弟廓故曰弒二主

### 宇文護

護泰之兄子泰病召護以諸子屬之護乃以魏主欽詔禪位於泰子覺覺性剛果護惡之廢為略陽公既而弒

之立覺兄毓毓明敏有識量護憚之使人進毒弒之立毓弟邕是為武帝護專橫難制武帝設計引護入宮以玉珽擊殺之

### 宇文憲

憲為泰之第五子武帝弟也武帝即位以憲為冢宰憲從武帝伐齊善用兵多謀略得將士心齊人憚其聲威

望風沮潰信都之戰憲俘斬三萬人執齊任城王湝廣寧王孝珩憲禮遇之甚厚命歸潛之妻子親為孝珩洗滄傳藥齊既平武帝崩子弒立

以憲名尊望重。忌之。召憲入，伏壯士於別室。至即執之，縊殺之。

### 蘇綽

字令綽，武功人。少好學，博覽羣書，宇文泰稱其

有王佐才。及宇文建國，綽參贊機密，文筆質樸，有師古之美。但矯枉過正，頗不適於時云。

### 王褒

字子淵，琅邪臨沂人。

博覽史傳，七歲能屬文。初仕梁元帝，為吏部尚書左僕射，尋入北周。明宗毓篤好文學，時褒與庾信才名最高，特加親任。每游宴，命褒等賦詩談論，不離左右。

### 庾信

字子山，南陽新野人。幼而俊邁，聰明絕倫。與父肩吾事梁太子，文詞綺艷，與徐陵齊名，世號徐

庾。每一文出，京都爭相傳誦。梁元帝時，奉使於周，遂被留，屢膺顯秩。信雖位望通顯，常有鄉關之思，乃作哀江南賦。至今人奉為文寶云。

### 設問

○高澄何人，何如謀篡魏，何如死。○受魏禪者誰。○和士開以何得寵，以何導帝為誰所殺。○何謂八貴。○祖珽何

如得貴。陸令萱穆提婆何如專橫。○北齊貴而賢者誰，為誰所殺。○北齊文學，推誰最優。○宇文泰弑誰。○秦之二子為誰所殺。○北齊之滅周

誰功最高，卒爲誰所殺。①北周文士  
推誰，皆爲北人否。②本課有何訓鑒。

## 第六課 隋

楊堅之篡周也。李德林爲謀。韋孝寬力戰。隋文即楊堅之  
滅陳也。高頴之計爲多。賀若弼韓擒虎之功最高。隋  
煬之亡國也。虞世基始誤之。宇文化及終弑之。君臣  
道消也久矣。當隋一統而後。河洛江左英彥畢集。薛

道衡孫萬壽王胄庾自直等文譽尤盛而文中子述作多依經典其言純乎儒術堪稱豪傑獨立之士矣。

譯義

隋楊堅的篡奪北周的帝位，是靠李德林的謀策，章孝寬的慶戰，後他去滅陳朝，用高潁的計策不少。若論戰功，則賀若弼韓

擒虎要算第一。論到隋煬帝的亡國，則是虞世基開的場，結果被宇文化及弑死。總之，當時君臣之道，早已廢掉了。當隋朝一統天下之後，黃河洛水一帶，又南方長江一帶，許多文人學士，都去歸附。其中薛道衡、孫萬壽、王胄、庾自述等的文章，算是最好。又有號文中子的，他的著作，大概依據經典，他的言論，純是儒家之道，好算一般豪傑中，特出不同的人物了。

李德林

字公輔，學問博洽，北齊天保中舉秀才，典機密。齊滅，周武帝甚禮重之，曰平齊之利，唯在於爾。授內史上士，謂



爲天上人。詎楊堅謀篡，德林贊之，誓以死從逆。時軍書日以百數，德林口授數人，文意百端，不加治點。史家以其失忠，頗鄙之而不齒焉。

### 章孝寬

西魏健將，見上第四課。入周，拜大司空。上柱國楊堅謀篡，周尉遲迥舉兵以抗，孝寬擊敗之。迥恒口罵堅而自

殺餘敵悉平，堅乃受禪。

### 高頴

頴音炯，字昭元，有器局，善詞令。隋文帝受禪，拜上書左僕射，伐陳，頴陳策爲元帥。入

建康，首斬張貴嬪，有短頴於帝者，帝曰：獨孤公，頴父賓，賜姓獨孤氏。故帝呼爲獨孤而不名也。猶鏡也，每被磨瑩，皎然益明。頴當朝二十年，朝

野推服，論者以爲真宰相。

### 賀若弼 韓擒虎

隋堅將伐陳，問將帥於高頴，頴薦弼與擒虎。弼

克京口，至鍾山，與魯廣達、蕭摩訶見上第三課戰，稍却，卒大破之。擒虎繼進，陳人迎降，逕入建康，執陳後主。日暮，弼亦入，後主惶懼，流汗股慄，向弼再拜，弼慰之。後弼擒虎爭功於帝前，帝曰：二將俱爲上勳，賜弼布帛八千段，位上柱國，進爵宋公。賜擒虎亦如之，坐放縱士卒，淫污陳宮，

不加爵邑。○伐陳之役，楊素、宇文述、燕榮、薛、青、韋、洸等俱有功。

### 虞世基

字茂世，博學高才，兼善草隸，文詞富麗。

時人擬之潘陸。潘岳、陸機、陸雲。煬帝時，為內史侍郎。帝幸江都，世基以盜賊日盛，請發兵屯沿口倉。帝不從。世基知不可諫，又懼禍及，因唯諸取容。諸將及郡縣告急求救者，世基皆抑損表狀，不以實聞。或杖其使者，以為妄言。由是盜賊徧海內，陷沒郡縣。帝弗之知也。楊義臣破河北賊數十萬，列狀上聞。世基曰：小竊雖多，未足為慮。且謂義臣擁重兵，久在閩外，非宜。帝遽迫義臣，放散其兵，盜賊由是益盛。帝在江都，荒淫益甚，無心歸北。世基稱善，凡有諫者，世基與之力辯。帝既被弒，宇文化及執世基殺之。

### 宇文化及

宇文述（見上）長子，性兇險，從煬帝入江都。時帝安江都，不欲西歸。諸將謀遁，懼誅，乃謀反，以化及為主。外連驍勇，內結司宮，擁入永巷，數帝罪，欲弒之。帝曰：天子死，自有法，何得加以鋒刃。索取鴆酒，不得。帝乃坐，自解練巾，授令狐行達縊殺之。隋氏宗室外戚無少長皆死。○時同謀反

者曰司馬德讞元禮裴虔通獨孤閔令狐行達封德彝等皆帝親信臣也

### 薛道衡

字元卿汾陰人，文筆華瞻。

詩詞清美，齊世有名，歷仕周隋。道衡所作風傳南北，時人無不吟誦。

### 孫萬壽

字仙期，信都武強人，通五經六

藝，博涉子史，善屬文，宇文述召典軍書，萬壽鬱鬱不得志，為五言詩贈京邑知友，盛為當世吟誦。

### 王胄

字承基，琅琊

邪臨沂人，少有逸才，仕陳起家，入隋以文詞為煬帝所重，嘗謂侍臣曰：「氣高致遠，歸之於胄。」詞清體潤，其在世基意密理新，推庾自直。

### 庾自直

穎州人，解屬文，尤善五言詩。煬帝時，授著作佐郎。帝有篇章，先示自直，稱善，然後出之。煬帝被弒，士直感激發

卒。病

### 文中子

即王通，字仲淹，龍門人，幼篤學。隋文帝時，西游長安，上太平十二策，知謀不用，退居河汾，講學，

受業者千數。如薛收房玄齡李靖魏徵皆唐名相，等皆北面受王佐之道，仿春秋作元經，又為中說，以擬論語。中說獨傳至今。煬帝屢徵之，不

就卒年三十七。門人諡曰文中子。

### 設問

○楊堅篡周，誰為謀主，何故為世所鄙。○楊堅謀篡周，舉兵拒之者誰，為誰所破。○隋文帝滅陳，誰為謀臣，誰功最

多。○隋煬帝荒淫無度，誰容庇之，誰弑之。○隋一統後，文人衆多否，最著名者誰。○王通何如人，出其門下者誰，著何書，傳行至今。

## 第七課

唐上

唐之始興，武功文治，並極稱盛。十八學士登瀛洲，二十四將圖凌烟。而杜如晦、房玄齡、虞世南、魏徵輩，功

業與辭章並顯。陸德明、孔穎達、顏師古、李善等，經術與小學並長。姚思廉、李百藥、令狐德棻、李延壽推爲史學渠豪，王勃、楊炯、盧照鄰、駱賓王號爲文章四傑。其餘馳名史冊者，復不勝紀數。盛矣哉！初唐之人文。

### 釋義

唐朝初興的時候，武力與文化，都十分盛大。在武德四年份，太宗爲太子的時候，招納了十八個學士，人家不勝羨慕，說他們登了瀛洲，即是上了仙界一般。到了貞觀十七年，太宗又把二十四位名將的像繪在凌烟閣上。那時有杜如晦、房玄齡、虞世南、魏徵等，不但有開國的功勳，而且辭章也極好。陸德明、孔穎達、顏師古、李善等，擅長經術與小學。姚思廉、李百藥、令狐德棻、李延壽等，可稱史家的巨擘。王勃、楊炯、盧

照鄰駱賓王，則是文學家的四傑。其餘史冊上記載的有名人物，尚不勝其數。大唐的人才，真多極了。

### 登瀛洲

高祖武德四年，秦王世民以海內浸平，乃開館於宮西，以杜如晦、房玄齡、虞世南、褚亮、姚思廉、李道玄、蔡允恭、

薛元敬、顏相疇、蘇昂、于志寧、蘇世長、薛穎達、蓋文達、許敬宗等十八人，各以本官兼文學館學士。秦王公事之暇，輒至館中，引諸學士討論文籍，或夜分乃寢。又使閣立本圖像。

### 圖凌烟

太宗貞觀十七年，帝令閣立本

圖畫功臣，長孫無忌、李孝恭、杜如晦、魏徵、房玄齡、高士廉、尉遲敬德、李靖、蕭瑀、段志玄、劉洪基、屈突通、殷開山、柴紹、長孫順德、張亮、侯君集、張公謹、程知節、虞世南、劉政會、庾儉、李世勣、秦叔寶等二十四人，於凌烟閣（在西宮三清殿側）。

### 杜如晦房

### 玄齡

武德九年，高祖定勳臣長孫無忌等爵邑。淮安王神通曰：臣舉兵關西，首應義旗，今杜如晦、房玄齡等專弄刀筆，功居臣

上、臣竊不服。帝曰：義旗初起，叔父雖首唱舉兵，蓋亦自營脫禍。玄齡等運籌帷幄，坐安社稷，餉功行賞，固宜居叔父之先。諸將悅服，如晦玄齡俱博綜典籍，善屬文。太宗卽位，共筦朝政。世  
稱房謀杜斷，如晦封萊國公，玄齡梁國公。

### 虞世南

(見上世基)

課弟，文章瞻博。太宗時，為弘文館學士，改秘書監，封永興縣公。帝稱其德行忠直，博學，文詞書翰，為五絕。卒諡文懿，有北堂書鈔。

### 魏徵

字玄成，好讀書，多所通涉。太宗時，拜諫議大夫，檢校侍中，撰定周隋各史，時稱良史。徵貌不揚，有志膽，犯顏敢諫。帝嘗得

佳鷄，自臂之，望見徵，匿懷中。徵奏事故久不已，鷄竟死懷中。徵自以不世遇，乃展盡底蘊，陳十漸，前後二百餘疏，無不愷切當帝心。拜太子太師，以疾卒。官。帝歎曰：以銅為鑑，可正衣冠；以古為鑑，可知興替。以人為鑑，可知得失。徵沒，朕亡一鑑矣。諡文貞，封鄭國公。

陸

### 德明

吳縣人，名元朗，以字行，善名理。高祖時，為國子博士，封吳縣男。卒。著有經典釋文，凡諸經音讀，多恃以為據。

### 孔穎達

字仲達，少聰明，記誦日千餘言。隋末，舉明經。太宗時，爲國子祭酒，奉詔撰定五經義疏，凡一百七十卷，名曰正

義，頒行天下。自唐至宋，明經取試，俱依此本。當時同修五經疏者十餘人，穎達年輩在先，名位獨重，故標題穎達一人之名。

### 顏師古

字籀，之推見上第五課之孫。少博覽，精訓詁學。高祖時，典機密，詔令一出其手。太宗卽位，晉秘書少監，封琅邪

縣男。奉詔考定五經文字，又爲太子承乾注漢書，時謂杜征南（杜預）顏秘書（師古）爲左丘明、班孟堅、忠臣。又注急就章，俱大顯於時。卒諡戴

### 李善

江都人，淹貫古今，不能屬辭，故人號爲書籠。爲文選注六十卷，敷析淵洽，表上之。又撰漢書辨惑三十卷。子邕，少知名，補

益父文選注。兩書並行。

### 姚李令狐

高祖時，令狐德棻表請修諸史，未就，罷之。太宗貞觀三年，復詔

撰定姚思廉次梁陳二史，李百藥（父德林見上課）次北齊史，令狐德棻次北周史，魏徵次隋史，以房玄齡爲總監，而主晉史。又有李延壽撰南



北史

### 王楊盧駱

王勃楊炯盧照鄰駱賓王號初唐四傑。○王勃子子安龍門人六歲善文辭高宗麟

德初年未及冠對策高第後屢坐罪廢黜父福時坐勃故左遷交趾令勃往省渡海溺水悸而卒年二十九初道出鍾陵九月九日都督大宴

滕王閣請客作序客不敢當至勃抗然不辭書半都督瞿然曰天才也勃屬文初不精思先磨墨數升則酣飲引被覆臥及寤授筆成篇不易

一字時人謂之腹稿○楊炯華陰人年十一舉神童為崇文館學士以盈川令卒炯聞時人以四傑稱乃自言曰吾愧在盧前恥居王後○盧

照鄰字昇之范陽人為邵王府典籤王重之比之相如調新都尉染風疾去官疾甚足攣一手又廢久之不堪其苦自投潁水死年四十嘗著

五悲文以自明有集二十卷又幽憂子三卷○駱賓王義烏人徐敬業亂署賓王為府屬為敬業傳檄天下斥武后罪后讀但嘻笑至一坏之

土未乾六尺之孤安在瞿然曰誰為之或以賓王對后曰宰相安得失此人敬業敗其將王那相斬賓王首以降中宗時詔求其文得數百篇

### 初唐

唐一代有初、盛、中、晚之分。大抵高祖、武德以後百年間，謂之初唐。玄宗開元元年以後五十年間，謂之盛唐。代宗大歷元

年以後八十年間，謂之中唐。宣宗大中元年以後，至於唐亡，謂之晚唐。

### 設問

- 何為登瀛洲登者若干人。
- 何為圖凌烟閣圖者若干人。
- 其時身為文學士復為功臣者誰。
- 杜如晦等四人之政業可畧聞否。
- 著經典釋文五經正義者誰。
- 注漢書文選者誰。
- 唐代作史者誰所作何史。
- 有唐分為若干時代初唐四傑為誰。

## 第八課

### 唐下

高宗以降稱賢相者曰姚宋。稱文章者曰燕許。稱勳

臣者。曰李郭。稱史識者。曰劉知幾。稱古文者。曰韓柳。稱詩詞者。曰李杜。曰元白。稱書法者。曰顏柳。此皆約言之耳。未足盡有唐人物之盛也。若薛仁貴之名震異域。張巡南霽雲雷萬春顏杲卿等之氣吞逆賊。則尤千古之奇士也。

釋義

唐高宗以後。說到賢相。總稱姚崇宋璟。談及文章。則推張說蘇頌。平亂再造。則是李光弼郭子儀。評判書史。則是劉知幾韓愈。

柳宗元復興古文。李白杜甫元稹白居易。精工詩詞。顏真卿柳公權。擅長書法。以上只舉大畧。唐代人物很多。不能畢數。又如薛仁貴名震異域。三

箭定天山。張巡南霽雲雷萬春顏杲卿等氣吞逆賊。至死不撓。這種奇士自古以來不得多見的。

### 姚宋

姚崇宋璟也。崇字元之。破石人。少儻。尙氣節。長好學。歷任夏官郎中。時遼兵擾河北。軍檄叢集。崇奏決如流。武后垂拱

後。以告言爲功。號曰羅織。崇請以百口保內外百官無反者。張柬之等謀誅武后。幸臣張易之張昌宗崇參計議。玄宗欲以爲相。崇因奏十事。帝曰。朕能行之。時乘權威干政之後。綱紀大壞。崇常先有司。罷冗職。修制度。擇百官。各當其才。開元中。引宋璟自代。授太子少保。卒。諡文獻。○宋璟。南和人。耿介有大節。累封廣平郡公。卒。諡文貞。璟繼姚崇爲相。崇善應變。以成務。璟善守文。以持正。故唐代賢相。前稱房杜。見上課。後稱姚宋焉。○高宗朝。長孫無忌。褚遂良。父亮。見上課。武后時。婁師德。狄仁傑。玄宗時。韓休。張九齡。肅宗時。李泌。陸贄。憲宗時。裴度。敬宗時。李德裕。皆賢相也。

### 燕許

燕國公張說。許國公蘇頌也。張說。字道濟。洛陽人。武后策賢良方正。說對第一。玄宗時。朝廷大述作。

多出其手。善用人之長，多引天下知名士，以左右王化。明皇尊尚經術，開館置學士，皆說倡之。○蘇頲，字廷直，父環，封許國公，為睿宗相，頲繼之，襲封。玄宗初平內難，書詔填委，頲在太極殿後閣，口占授功狀，百緒輕重無所差。書吏白曰：「乞公徐之，不然，手腕脫矣。」與宋璟同當國，卒謚文憲。頲以文章顯，與張說稱望畧等。時號「燕許大手筆」。○其時文章與燕許公相埒者，惟張九齡（玄宗相，見上）明皇嘗謂侍臣曰：「張九齡文，自有唐名公，皆弗如也。」朕終身師之，不得一二。

### 李郭

李光弼，郭子儀也。光弼，柳城人，肅宗朝，拜節度使，平安祿山。

思明之亂，功稱第一，封淮陽郡王。與郭子儀齊名，世稱「李郭」。○郭子儀，華州人，與光弼同平安史之亂。肅宗嘗勞之曰：「國家再造，卿力也。」封汾陽王。德宗時，賜號尚父，以身繫天下安危者二十年。八子七婿，皆貴顯。麾下宿將數十，皆王侯貴重。幕府六十餘人，皆為將相。諸孫數十，不能盡識。旦夕問安，但頷之而已。卒諡思武。

### 劉子幾

字子玄，以善文辭知名。領國史者三十餘年，自負史才，著

史通內外四十九篇，譏評今古，世稱傑作。嘗言史有三長，才、學、識，世罕兼之時，以為篤論。開元初，以功封居巢縣子，卒諡文，有集。

### 韓柳

韓愈，字退之，三歲而孤，自知讀書，日記數千言。及長，盡能通六經百家學，擢進士第。其為文，奧衍閎深，

與孟軻楊雄相表裏。左右六經，東坡為碑，謂文起八代之衰，道濟天下之溺，洵不誣也。○柳宗元，字子厚，少精敏絕倫，第博學宏辭科，授校書

郎，擢禮部員外郎，後貶永州司馬，移柳州刺史。厄鬱不得志，而文思益深。韓愈評其文曰：雄深雅健，似司馬子長，崔蔡不足多也。永州多山水，

故子厚記山水尤為精絕云。有柳柳州集。○唐代之崇尚古文，始於陳子昂，蕭穎士、李華、賈至、元結、獨孤及、韋應物、劉長卿諸人，及至韓柳古

文之體大行矣。愈之徒李翱、李漢、皇甫湜，又從游者孟郊、張籍，皆名於時。

### 李杜

李白，字太白，十歲通詩

書。既長，隱岷山，州舉有道，不應。蘇頌為益州長史，見白異之，曰：是子天才奇特，少益以學，可比相如。後赴長安，賀知章見其文，歎曰：子謫仙人

也。言於立宗，供奉翰林。白驚放不自修，日與知章等飲於市，號八仙子。歸，帝賜金放還。白浮游四方，坐事流囚者再，未卒於當塗。○杜甫字子美，肅宗時官至右拾遺。後曠游高山大湖，少與李白齊名，時號李杜。韓愈爲詩曰：李杜文章在，光燄萬丈長。云。○李杜後，王維、孟浩然、高適、岑參等俱以詩噪於時。

元稹，字微之，白居易字樂天，二人相善，名相埒。所作詩，天下傳誦。白樂天每作詩，令一老嫗聽之，問曰：解否？曰：解，則錄之。故唐末之詩，多近俗好也。稹卒，居易與劉禹錫齊名，號劉白。○此外，杜牧（號小杜）以別於杜甫，溫庭筠、李商隱合稱溫李，俱擅詩名。其餘猶不勝枚舉，蓋唐富於詩者也。

顏柳

顏真卿，柳公權也。真卿師古（見上課）五世從孫，博學工辭章，開元舉進士，累遷侍御史，出爲平原太守，安祿山叛，真卿與從父兄杲卿等起兵討之。河北諸郡陷，真卿間關至鳳翔，謁肅宗，授憲部尚書，遷御史大夫。代宗朝，封魯郡公。真卿善正草書，筆力遒婉，世寶傳之。○柳公權元和進士，累遷司封員外郎，帝嘗問公權用筆法，對曰：心

正，則筆正。咸通初，以太子太保致仕。公權博貫經術，書法結體勁媚，自成一派。世以與真卿並稱之曰顏柳。

### 薛仁

### 貴

龍門人，少貧賤。貞觀中，從征遼東，每戰輒捷，名震異域。位至領軍大總管。後坐失事貶象州，已而突厥入寇，召仁貴擊之。虜問曰：唐

將為誰？曰：薛仁貴。虜曰：吾聞薛將軍流象州死矣，何給我？仁貴為脫綃，慈見之，虜相願焉。下馬羅拜，尋解遁去。後九姓衆十餘萬寇邊，遣驍騎挑戰。仁貴發三矢，輒殺三人，於是虜悉降潰。軍中歌曰：將軍三箭定天山，壯士長歌入漢關。

### 張巡

安祿山反，賊圍

睢陽，張巡與許遠合兵固守，經數十戰，皆以寡敵衆，無不一以當千。圍既久，城中食盡，巡乃出愛妾謂諸將曰：諸君經年乏食，而忠義不稍衰，吾恨不割肌以啖衆，寧惜一妾，不以充士餒乎？乃殺妾為大饗，坐者皆泣，不下咽。巡強令食之。卒至羅雀捕鼠，煎弓膠食之，而士莫有叛者。賊攻益急，士卒皆病，不能戰。巡乃向西拜曰：臣力竭矣，生不能報陛下，死當為厲鬼，以殺賊。城陷，巡被執，賊將尹子琦謂巡曰：聞公督戰大呼，輒



皆裂血面，嚼齒皆碎，何至是。答曰：吾欲氣吞逆賊耳。子琦怒，以刀抉其口，齒僅存三四，尋遇害。

### 南霽雲雷

### 萬春

睢陽城陷，霽雲與張巡俱被執。賊招霽雲降，未應。巡呼曰：南八男兒死耳，不可為不義屈。霽雲笑曰：欲將有為也。公知我

者，敢不死。遂與三十六人同遇害。雷萬春亦巡偏將也。令狐潮圍雍丘，萬春與潮語，伏弩發，面著六矢，萬春不動。潮疑木刻人，旋謀得其實。大驚，謂巡曰：向見雷將軍知君節制矣。

### 顏杲卿

字昕，師古五世孫。性剛直，以蔭仕，為常山太守。安祿山遣史思

明攻之。杲卿晝夜戰，糧矢竭。六日，城陷。賊脅降，不應。乃取其少子季明，加刃頸上曰：降，活若子。杲卿仍不應，遂殺季明。送杲卿於祿山。祿山怒，杲卿瞋目罵曰：汝本營州牧羊羯奴，竊荷恩寵，天子何負汝而反。吾世為唐臣，恨不磔汝以謝上，乃從而反耶。祿山大怒，縛之天津橋柱，節解之。杲卿罵不絕，賊鉤其舌曰：復能罵否。乃含糊而死。時袁履謙亦被執，賊先斷其手足，履謙咀血噴賊而死。

# 設問

○唐高宗以降，世稱賢相者誰。○何為燕許文章。○李光弼郭子儀建何勳業。○史通誰作，評論何事。唐之古文家，起於誰，終於誰。○詩詞最佳者誰。○唐之書法家為誰。○薛仁貴何如人。○張巡南霽雲等之忠義如何。顏杲卿殉節如何。

## 第九課 五代○梁 唐 晉

時至五代，世治既衰，人文亦漸替。梁有敬翔、李振、劉鄩、王彥章輩，而卒滅亡。唐有張承業、郭崇韜、安重誨、姚洪之徒，而終不振。晉以桑維翰得主中原，終與景

延廣出臣北漢。四十一年間，中原三易姓，可謂促矣。

釋義

到了五代時候，世界極紊亂，人才逐漸衰落了。後梁時代，雖有敬翔、李振、劉鄩、王彥章等一般人，終究家亡國破。後唐時代，有張承業、郭崇韜、安重誨、姚洪等人，到底不能振起。後晉石氏用了桑維翰的計謀，做到中原的君主，結果則與景延廣一同被擄，作契丹臣。四十年中，此倒彼起，三次換了國姓，國祚短促極了。

敬翔李振

敬翔，馮翊人，深沈有智畧。佐太祖（朱溫）用兵二十餘年，軍民機務，皆翔謀畫。○李振，河西人，歸太祖，預謀

識友貞（溫第三子）即位後，

劉鄩

鄩從太祖，多戰功。友貞時，晉王李存勗來攻魏，鎮見城上

旗幟往來，而兵不出。存勗曰：吾聞劉鄩用兵，一步百計，此必詐也。視之，果以芻人執旗乘驢行。存勗曰：鄩長於襲人，短於決戰，亟進之，則敗。友

矣。貞聞之，嘆曰：劉鄩既敗，大事去矣。未幾，佞臣譖鄩，友貞醜殺之。

### 王彥章

壽章人，驍勇絕倫。每戰，用二鐵槍，皆

重百斤，一置鞍，一在手。所向無前，號王鐵槍。存勗來攻，友貞用彥章為招討，問曰：何時破敵？對曰：三日。左右皆笑。彥章兩日馳至，置酒大會，陰

遣人具舟，命甲士六百人，各持巨斧，乘流而下。酒半，彥章佯起更衣，則引精兵數千，沿河趨德勝，令舟兵以巨斧斬浮橋，而身攻其南城。浮橋

斷，南城亦破。適三日，振旅而還。後為唐兵所獲，莊宗問曰：汝呼我為鬪雞小兒，今服未？欲降之，彥章終不屈，乃斬之。

### 張承

業。莊宗欲錢以備博，賞伶人。承業主庫藏，不與，曰：國家錢，非臣所得私。莊宗話侵之，承業怒曰：臣年老供職，非為子孫計，惜此錢，佐王

成霸業耳。若欲用，何必問臣。財盡兵散，豈獨臣受禍也。莊宗欲殺之，承業起，持莊宗衣泣曰：臣奉先王顧命，誓雪國讎。今為王惜庫物而死，死

無恨矣。太后聞之，召莊宗，使人謝曰：小兒忤公，吾已答之，乃解。莊宗議即帝位，承業力諍曰：大王父子與梁血戰三十年，本欲復唐社稷，即元

兇既殄，指朱溫使唐子孫在，孰敢當之。若唐無子孫，天下誰與王爭者。莊宗不聽，承業知不可諫，仰天大哭曰：臣唐家老奴，王今自取之，悞老奴矣。遂成疾而卒。

### 郭崇韜

崇韜位兼將相，深以盛滿為懼，而性公嚴，不為權近所喜。莊宗嘗患暑，思別作

一樓，宦人曰：郭崇韜眉頭不展，陛下雖有作，其可得乎。莊宗乃問崇韜曰：昔我與梁對壘河上，雖祁寒盛暑，被甲跨馬，不以為勞，今深居宮蔭，而若不勝其熱，何也。崇韜對曰：今昔艱難逸豫，為慮不同，其勢然也。願陛下毋忘創業之艱，常如河上，可使繁暑坐變清涼矣。莊宗默然。自是讒愈入，卒賜死。

### 安重誨

重誨為中書令，事多專決。有獻嘉禾者，重誨視之曰：偽也。答其人而遣之。有進白兔

者，重誨曰：兎陰且狡，雖白何為，竟却之不奏。李仁福又進白鷹，重誨復却之。明日，白上曰：陛下詔天下毋獻鷹鶴，而仁福違詔獻鷹，臣已却之矣。重誨出，明宗陰令人取之入。他日，按行西郊，左右曰：毋使重誨知也。卒賈禍。

### 姚洪

洪事唐為指揮使，嘗將千人戍

因州董璋反遣人以書招洪洪得書輒投廁中已敗被執璋謂曰爾昔為健兒我遇汝厚奈何負我洪罵曰爾昔為李七郎奴掃馬糞得一鬻殘炙感恩不已今天子用爾為節度使何反耶吾能為國死不能從人奴以生璋怒燃鏹於前令壯士十人剖其肉烹之洪至死罵不絕明宗聞之為之泣下

### 桑維翰

河南人身短面長嘗自奇曰七尺軀不如一尺面舉進士主司惡其姓同喪音不錄

或勸改圖維翰鑄鐵硯曰硯徹則改卒及第高祖辟為書記及為相勸高祖卑詞厚禮以奉契丹因為草表稱臣於契丹主且以父禮事之約事捷之日割盧龍一道及雁門關以北諸州與之契丹主大喜許候仲秋傾國赴援契丹兵乃大破唐軍奉高祖都於汴維翰多所建白為高祖所重及出帝被虜維翰為叛將張彥澤見下十四課所殺

### 景延廣

陝州人出帝重貴即位以延廣為相

時大臣議奉表稱臣告哀報高祖喪也於契丹延廣請致書稱孫而不稱臣帝從之契丹大怒後來契丹使辭回延廣大言曰歸語爾主今上

中國所立，稱孫足矣，無稱臣理。翁怒，則來戰。孫有十萬橫磨劍，母爲孫敗。契丹主德光乃大舉來寇，晉將死降相繼，契丹入汴，遂執重貴，封負義侯。徙之黃龍府。囚景延廣，詰之曰：致兩主失歡，皆汝所爲也。十萬橫磨劍安在？延廣面伏地請死。契丹執之送北，乃自扼吭而死。

### 設問

○後梁有若干賢者，梁主用其言否？  
 ○後唐臣可稱賢者爲誰？  
 ○後晉之桑維翰何如人，景延廣何如人。

## 第十課 五代續○漢 周

劉知遠入帝中原而後，楊邠、王章、史弘肇用事，四年而亡。周世宗斥馮道而不用，而以范質、王溥、竇儀、竇

儼王朴為相，世以稍治。何奈不永其年，子崇訓立八月而禪位於宋，五代以終。

釋義

後漢劉知遠做了中原的君主，楊邠、王章、史弘肇等掌握政治，僅四年，國就亡了。後周世宗郭威得了天下，便斥退馮道，用范

質、王溥、竇儀、竇寶、儼、王朴等，當了國政，世界稍見太平。無如年壽不長，待他的兒子崇訓接了位，只八個月，就禪位於宋。五代的擾攘，從此結束了。

楊邠 王章 史弘肇

漢隱帝時，楊邠總機政，王章掌財賦，史弘肇典宿衛。邠素愚蔽，不喜書生。

嘗言國家府庫實，甲兵強，足矣。文章禮樂，何必介意。章亦不喜文士，嘗曰：此輩與一握算子，未知顛倒，何益於國。弘肇亦曰：安朝廷，定禍亂，直須長鎗大劍，若毛錐子，安足用哉。自是將相有隙，如水火矣。未幾，隱帝盡殺三人，而已亦被殺。

馮道

字可道，景城人。



唐末為幽州劉守光參軍守光敗張承業薦於唐莊宗掌書記累官戶部翰林學士明宗朝為相自此歷唐晉漢周四朝十主不離將相公師之位契丹滅晉道亦臣之拜太傅嘗自號長樂老著書數百言陳已更事四姓及契丹所賜勳爵以為榮獨周世宗鄙之不用其人滑稽多智浮沉取容以是能終保富貴雖世稱清儉寬宏厚德稽古然大節已虧實無所取卒年七十三諡文懿

進士知制誥後周時累知樞密院封魯國公以廉介自持所得祿賜多給孤遺有集及五代通錄

進士第一仕周為中書侍郎同平章事性寬厚美風度好汲引後進嘗著唐會要五代會要有集二十卷

進士仕周拜端明殿學士學問優博風度峻嚴入宋太祖欲相之趙普忌儀剛直不果及卒帝深憫惜之

亦後晉進士好賢樂善於兄弟中尤稱才俊仕周拜翰林學士入宋轉禮部侍郎當時祀事樂章宗廟諡號多所裁定識者服其該博有文集

范質

唐後

王溥

後漢時舉

竇儀

後晉

竇儼

弟儀

### 王朴

少舉進士。世宗卽位，遷比部郎中，獻平邊策。世宗信用之。爲人明敏多才智，通陰陽律曆之法，嘗奉詔爲欽天曆，又考正

雅樂，爲後世言律曆者所推重。官終樞密使。

### 設問

○後漢時，信用何如人。○五代時，歷仕四朝十主，兼臣契丹者誰。○周世宗爲五代令主，其時相之者爲誰，可畧舉

其名否。

## 第十一課 十二國

五代時，十二國稱王者，四十五人。勤政愛民者，吳楊

行密、南唐李昇、南平高季昌、吳越錢氏而已。荒淫驕侈者，前蜀王宗衍、後蜀孟昶等也。殘酷虐民者，南漢劉氏、稱侄契丹、苟保國土者，北漢劉旻、劉承鈞也。其餘篡弑相承，歷年既促，政亦無聞焉。

### 釋義

五代的時侯，尚有十二小國。稱過王者，共有四十五人。其中勤理政治，愛慕百姓的，要算吳國的楊行密、南唐的李昇、南平的高季昌、吳越的錢鏐。荒蕩邪淫，驕做奢侈的，要算前蜀的王宗衍、後蜀的孟昶。生性慘酷，殘虐百姓的，則是南漢的劉巖、劉晟、劉鋹等三人。北漢的劉旻及劉承鈞，則投靠契丹，自稱爲侄，保全國土。其他諸王你篡我奪，接連不息，他們年期既是短促，政治也沒有可以紀述的。

### 吳越錢氏

錢鏐幼時遊石鏡山，有石如鑑，照鏐形，服冠冕如王者狀。後果封吳越王。先是，浙江挾海潮，為杭人

患。鏐以強弩射潮頭，潮水漸向西陵，因築塘捍之，名其門曰候潮。杭人賴之。鏐少在軍，枕圓木小枕，或大鈴，名曰警枕。有所記，書於粉盤。比老不倦，不畜聲伎，且以為禁。子元瓘，遵守先志。孫弘佐，溫恭禮士，好書，勤政。弘侖，性剛嚴，為人所廢，而立弘俶。弘俶事弘侖甚厚，不以廢主禮衰。

又募民懇荒，境無棄土。

### 南漢劉氏

劉巖，造名夔，音仍巖，性奢侈，用刑慘酷，有灌鼻，割舌，支解，剝，

炮炙，烹蒸之法。又聚毒蛇水中，投以罪人，謂之水獄。○劉晟，性亦殘淫，恐諸弟等八人爭國，盡殺之，納其女充後宮，設鑊湯，鐵牀，剝剔等刑，謂之生地獄。○劉鋹，作燒煮，剝剔，刀山，劍樹之刑。或令罪人鬪虎抵象，賦斂繁重，入城，人稅一錢，斗米稅四五錢。宮殿以玳瑁珠玉為飾，餘具見

第二冊  
十一課。

# 設問

○五代時，十二國稱王者若干人。○有善政者若干人。○  
吳越錢氏之善政何如。○驕侈者若干人。○殘酷者誰，其

殘酷何如。○北漢侍誰以保境。

## 第十二課 宋

宋祖之得天下，翼戴者，出征者，各致其力，而趙普始  
終侍帷幄，擘畫軍國，蓋有宋功臣之尤著者也。仁宗  
以後，韓富范歐立朝輔政，司馬劉袁作史修鑑，王曾

三蘇以文章鳴。周程張邵以道學倡。抑何盛哉。逮新法復行。章惇蔡京輩朋比為奸。於是六賊橫行。宋祚中絕矣。

### 釋義

宋太祖趙匡胤的得天下，臣下們有的擁護推戴，有的出兵征戰，都很出力。那最有功最有名的是趙普，自始至終，常在帳帷內，謀劃軍國大事。到了仁宗以後，韓琦、富弼、范仲淹、歐陽修等，同在朝上輔理政治。司馬光、劉恕、袁樞等，編輯通鑑。王安石曾鞏、蘇洵、蘇軾、蘇轍等，以文章聞名天下。周敦頤、程顥、程頤、張載、邵雍等，以道學提倡當世。宋朝的人才，也盛極了。及到哲宗朝，司馬光死後，重興新法。章惇、蔡京等，串通弄事，於是蔡京、梁師成、李彥、朱勳、王輔童、貫等，六個國賊，橫行無道，有宋的國祚，就此中斷了。

翼戴

宋祖既受周禪。論翼戴功。石守信高懷。德張令鐸王審琦等。並領節鎮進爵。

出征

時荆南後

蜀南蜀南漢南唐各主。據地未服。李處耘王全斌潘美曹彬等。將兵平之。四年而天下一統。

趙普

太祖為普初事

書記。陳橋驛之變。普實主之。太祖受禪。拜為樞密直學士。宋初諸政。概出普手。普少習吏事。寡學術。太祖屢諭以讀書。晚年遂手不釋卷。歷相

兩朝。決事如流。嘗謂太宗曰。臣昔以半部論語。佐太祖定天下。今願以半部。佐陛下致太平。卒封韓王。諡忠獻。

韓富

范歐

韓琦富弼范仲淹歐陽修也。韓琦字稚圭。安陽人。天聖進士。歷進樞密直學士。陝西經畧。安撫。招討使。與范仲淹久膺閫

寄。各重一時。人心歸之。朝廷倚以為重。天下稱韓范。邊人謠曰。軍中有

一韓西賊。指西夏。聞之心膽寒。軍中有一范。西賊聞之。驚破膽。後封魏國公。判相州。相人愛之如父母。在魏都久。遠使每過。移書牒。必書名。曰。韓魏公在此也。其見重於外國如此。有安陽集。○富弼字彥國。河南人。

仁宗時舉茂才異等。歷知制誥。再使契丹。力拒割地。辨和戰之利害。使  
南北之民不見兵革者數十年。還拜樞密副使。尋與文彥博并相。天下  
稱富文。英宗擢爲樞密使。封鄭國公。進封韓國公。致仕。忠義之性。老而  
彌篤。卒諡文忠。○范仲淹字希文。吳縣人。舉祥符進士。每感激論天下  
事。奮不顧身。士大夫風從之。相矯厲。尙氣節。西夏元昊反。以龍圖閣直  
學士爲經畧陝西副使。守邊數年。號令嚴明。愛撫士卒。羌人呼爲龍圖  
老子。夏人亦相戒不敢犯境。曰。小范老子胸中自有數萬甲兵。旋拜樞  
密副使。進參知政事。中外想望其功業。卒贈兵部尙書。諡文正。有丹陽  
集及奏議。尺牘。仲淹內剛外和。爲秀才時。以天下爲己任。尤樂善好施。  
置義田以贍族人。卒之日。聞者莫不歎息。○歐陽修字永叔。廬陵人。四  
歲而孤。母守節教育之。常以荻畫地爲書。長舉進士甲科。歷知制誥。時  
杜衍韓琦范仲淹富弼相繼罷去。修上疏極諫。出知滁州。徙揚州。潁州。  
還爲翰林學士。嘉祐間。拜參知政事。與韓琦同心輔政。卒以與王安石  
不合。以太子少師致仕。修博極羣書。得昌黎韓愈遺稿。苦心探索。遂以



文章冠天下。自號醉翁。晚號六一居士。謂集古錄（修自錄者）一千卷，書一萬卷，琴一張，棋一局，酒一壺，鶴一隻也。卒諡文忠。著有新唐書新五代史集古錄歸田錄文忠集居

### 司馬劉袁

司馬光劉恕  
袁樞也。光字

君實。七歲聞講左氏春秋。即了其大旨。寶元初進士。神宗時爲御史中丞。以議王安石新法不合去。居洛十五年。絕口不論時事。哲宗初拜尙書左僕射。悉去新法之爲民害者。在相位八月卒。贈太師溫國公。諡文正。居涼水鄉。世稱涼水先生。著資治通鑑。凡十七年而成。網羅宏富。體大思精。上起戰國。下終五代。計一千三百六十二年。爲書二百九十四卷。英宗賜名神宗賜序。○劉恕字道原。少穎悟。未冠舉進士。篤好史學。司馬光編資治通鑑。遇紛錯難治者。輒以委恕。恕述伏羲至周作通鑑外紀以補司馬之闕。○袁樞字機仲。建安人。試禮部詞賦第一。喜誦司馬光資治通鑑。嘗區別其事而貫通之。號通鑑紀事本末。凡二百三十九卷。孝宗讀而善之。遷太府丞。分修國史。卒被劾去官。著書以終。按樞

爲南宋時人，以爲通鑑功臣，連類移此。

### 王曾三蘇

王安石，曾鞏，蘇洵，蘇軾，蘇轍也。王安石字介甫，號

半山，小字獯郎，少好讀書，工爲文，擢進士第。安石議論高奇，能以辨博濟其說，上萬言書，以變法爲言。神宗時爲相，帝深倚重之，與青苗、水利、均輸、保甲、免役、市易、保馬、方田諸法，物議沸騰，罷爲寧南節度使。旋封荆國公。哲宗立，加司空，卒諡文。安石性強伎，工書畫，文章拗折峭深，人以大家目之。有周官新義、臨川集、唐百家詩選。○曾鞏字子固，南豐人，少警敏，援筆成文，歐陽修一見奇之。登嘉祐進士，歷知州、拜中書舍人、卒。鞏性孝友，爲文原本六經，斟酌於司馬遷、韓愈，一時作者莫能過。後追諡文定，學者稱南豐先生。有元豐類稿。○蘇洵字明允，眉山人，年二十七，始發憤爲學，通六經百家之說，下筆頃刻數千言。韓琦奏於朝，除秘書校書郎，修禮書爲太常因革禮一百卷，書成而卒。有諡法嘉祐集。洵家有老人泉，故自號老泉。世以其父子俱知名，稱洵爲老蘇，軾爲大蘇，轍爲小蘇。○軾字子瞻，協通經史，舉進士，歐陽修擢置第二，曰吾

當避此人出一頭地，對策入三等，召直史館王安石創新法，軾上疏論其不便，安石怒，欲寘之死，不果，以黃州團練副使安置。軾築室於東坡，自號東坡居士，移汝州，知杭州，元祐中召為翰林承旨，歷端明殿翰林侍讀兩學士，出知惠州，紹聖中累貶瓊州別駕，赦還，除朝奉郎，卒於常州。諡文忠。軾作文如行雲流水，初無定質。其體涵渾，光芒雄視百代。有東坡志林、東坡全集等，凡數百卷。○轍字子由，與軾同登進士科。又同策制舉，以直言置下等。以忤安石，劾蔡確、韓縝、章惇、呂惠卿等，切諫新法，屢徙外州。已而復大中大夫致仕，築室於許號穎濱，遺老卒諡文定。轍性沈靜簡潔，為文汪洋澹泊，似其為人。有欒城集等書。

### 周程張邵

周敦頤 程顥 程頤 程顥 程頤 張載 邵雍

雍也。敦頤字茂叔，營道人。嘗知南昌，富家大姓黠吏惡少，懽懽焉不獨以得罪為憂，而又以污穢善政為恥。遷轉運判官，以洗冤澤物為己任。敦頤胸懷灑落，如光風霽月。著太極圖說及通書為宋理學之開祖。二程皆其弟子，卒諡元公。所居曰濂溪，世稱濂溪先生。○程顥字伯淳，舉

進士。神宗數召見。顯前後進說，大約以正心窒慾，求賢育才爲言。後與王安石議新法不合，出知扶溝縣。哲宗立，召爲宗正丞，未赴卒。諡純公。顯資性過人，而充養有道，和粹之氣，盡於面背。辨異端，闢邪說，使聖人之道煥然復明於世。孟子之後一人而已。文彥博題其墓曰：明道先生。後人集其遺文語錄，名程子遺書。○程頤，字正叔，與顯同受學於周敦頤。哲宗初，擢崇政殿說書。每進講，色凝莊，繼以諷諫。頤學本於誠，以大學語孟中庸爲標指，而達於六經。動止語默，一以聖人爲師。世稱伊川先生。卒諡正公。有易春秋傳語錄文集。○張載，字子厚，郿縣橫渠鎮人。年二十一，范仲淹勸讀中庸，載以爲未足，又訪諸釋老，反而求之六經。嘗坐虎皮，講易京師。程顥兄弟與論易，次日，撤坐，輟講，盡棄異學。嘉祐間舉進士，爲雲巖令。尋屏居南山下，終日危坐一室，與諸生講學，告以變化氣質之道，以疾卒。諡明後，定諡獻其學，易爲宗，以中庸爲的，以禮爲體，以孔孟爲極。著正蒙西銘及易說世號橫渠先生。傳其學者，稱爲關學。○邵雍，字堯山，居洛中，與富弼司馬光呂公著等，恒相從游，爲市

園宅。雍歲時耕稼。僅給衣食。名其居曰安樂窩。自號安樂先生。卒年六十七。賜諡康節。有觀物篇。漁樵問答。伊川擊壤集。皇極經世等書。

### 章惇 蔡京

見第一冊  
十二課注

### 六賊

蔡京、梁師成、李彥、朱勳、王輔、童貫也。說見第一

冊十二  
課注

### 設問

○宋初，翼戴太祖者誰。出平諸國者誰。○功臣之尤著者誰。○何謂韓富范歐。○有宋文章大家為誰。○宋儒以何

為宗。首倡宋學者誰。○倡新法者誰。復用新法者誰。○宋末之六賊為誰。其禍國何如。

### 第十三課 南宋

宋室南遷以後，李綱主都中原，汪黃阻之。宗張韓岳期飲黃龍，而秦檜陷之。似道侂冑彌遠，悞國卒致天祥枋得授首虜廷。秀夫世傑葬身波浪，然寧理二宗世德秀了翁侃侃立朝。朱陸楊張輩論道輔治，而宋祚終不保者，蓋正不勝奸，自古云然，可慨也已。

釋義

自從宋廷南遷以後，宰相李綱欲安撫天下人心，主張建都在中原，不料爲汪伯彥黃潛善阻止。嗣後宗澤張浚韓世宗岳飛

等、幾次挫敗金人，正擬直搗黃龍府，痛飲一杯酒，那知秦檜議和，竟殺岳飛、張浚，加之賈似道、韓侂胄、史彌遠弄權誤國，遂使文天祥、謝枋、得辱屈虜廷，陸秀夫、張世傑投死海中。但在寧宗、理宗的時代，有真德秀、魏了翁立朝視事，又有朱熹、陸九淵、楊萬里、張栻等講道學，輔世治國。但宋的國祚終不能長保，此何故歟？蓋正不勝奸，自古如此，真正可慨的。

### 李綱

高宗卽位，召綱入相，趣赴闕。有謂綱爲金人所惡，宜及其未至，罷之上。曰：如朕之立，恐亦非金人所喜，言者語塞。綱嘗疏鄧，以示無忘故鄉，係天下心。又曰：自古中心之主，起於西北，則足以據

中原，而有東南。起於東南，必不能復中原，而有西北。云云。上乃許幸南陽，尋爲汪伯彥、黃潛善沮，議中止。

### 宗張

### 韓岳

宗澤、張浚、韓世忠、岳飛也。○宗澤有文武才，二帝北狩，以副元帥從磁州入援，屢戰皆捷。金人憚之，呼爲宗爺爺。○靖康

之阨、張浚目擊切齒，誓不與賊俱存，終身不主議和。○韓世忠守鎮江時，金將兀朮寇臨安北歸，世忠邀擊之，以八千衆與金師十萬相拒，黃天蕩四十八日。遇敵舟出，以鐵綆貫大鈎曳沈之。兀朮大窘，請盡歸所掠假道不許。請獻名馬，又不許，曰：還我兩宮，復我疆土。兀朮語塞，馳去。  
世忠嘗中矢，毒入骨，以彊弩刮取之，談笑自如。十指僅全，四不能動，刀痕箭瘢如刻畫。秦檜既主議和，收三大將權，拜世宗爲樞密使，尋罷爲醜泉使。自是杜門謝客，跨驢攜酒，縱游西湖，以自樂。○岳飛少好左氏春秋，孫吳兵法。力挽弓三百石，弩八石，能左右射。會金兵至新鄉，衆莫敢擾。飛獨引所部鏖戰，奪其纛，舞諸軍爭奮，遂擣太行，殺黑虎大王，擒其將兀朮，以拐子馬萬五千來，飛戒步卒以麻扎刀入陣，勿仰視，第斬馬足。馬相連，一馬仆，二馬不能行。乘勝奮擊，遂盡殲敵。兀朮大慟而遁，嘗曰：撼山岳，撼岳家軍難。朱仙鎮之捷，兩河豪傑響應，父老子弟頂香盆迎候者充道。金將韓常等皆密受飛旗榜。飛大喜，語其下曰：直抵黃龍府，金人故都也。今吉林、寧安、縣南，俗稱賀龍城，與諸君痛飲耳。



方指日渡河，而檜與金和。一日發十二金牌召班師。飛東向拜泣曰：十年之功，廢於一旦。既還，兀朮遺檜書曰：必殺飛乃可和。檜遂謀殺飛。誣以謀叛。飛以背示中丞何鑄，有舊涅盡忠報國四大字。曰：皇天后土，可表此心。韓世忠不平，詰檜。檜曰：事莫須有。世忠曰：莫須有三字，何以服天下。檜手書小紙付獄。飛遂死。天

### 似道侂冑彌遠

第 見

二冊十  
三課注。

### 天祥枋得

文天祥年二十舉進士對策，古諳若龜鑑，忠肝如鐵石。理宗親擢為第一。

恭帝初，元兵三道入，詔天下勤王。天祥奉詔涕泣，罄家產為軍資，發郡中豪傑，結諸洞蠻萬人赴義。五坡領之役，天祥被執，護送燕京。居三年，元主召問曰：汝何願。天祥對曰：受宋恩為宰相，無事二姓理，願賜一死足矣。乃南向再拜，從容就刑。曰：吾今日事已畢，衣帶中有贊曰：孔曰成仁，孟曰成義。惟其義盡，所以仁至。讀聖賢書，所學何事。而今而後，庶幾無愧。○謝枋得字君直，號壘山寶祐進士。好直言，以忠義自任。後知信

州元兵東下信州陷乃變姓名入建寧唐石山日麻衣躡屨東向哭宋  
亡居閩中參政魏天祐強之而北至都不食死年六十四世稱疊山先

生有文章軌

### 秀夫世傑

恭宗北去陸秀夫張世傑與陳  
宜中奉益廣二王走溫州立益

範疊山集

王於福州是為端宗時君臣播越海濱庶事疏畧秀夫儼然正笏立如  
治朝時在行中凄然泣下以朝衣拭淚衣盡浥端宗崩又立衛王為帝

昂遷崖山崖山破秀夫驅妻子先入海中尋負王赴海而死世傑以十  
餘艦入港去後還收兵崖山復欲求趙氏後立之俄颶風壞舟溺死宋

與俱  
終  
德秀了翁  
真德秀慶元進士理宗時拜參知政治  
立朝有直聲其學以朱熹為宗時忤韓

佐育正學得明卒諡文忠學者稱西山先生有大學衍義文章正宗等  
書○魏了翁慶元進士史彌遠死以權禮部尚書還朝入對以端明殿

學士同僉書樞密院事卒贈太師諡文靖了翁  
窮經學古自為一家有鶴山集九經要義等書  
朱陸楊張

朱熹、陸九淵、楊萬里、張栻也。○朱熹字元晦，號晦翁，自幼穎異，父授以孝經，輒題其端曰：「若不是，非人。」登紹興進士第，歷事四朝，凡所奏聞，皆正心誠意、修齊治平之道，盡得程氏之傳。著述甚富，闡明羣經之旨。通鑑綱目取法春秋，尤爲後世所重。○陸九淵幼讀書，至宇宙二字，上天下地曰宇，往古來今日宙，忽大省曰：「宇宙內事，乃己分內事。己分內事，乃宇宙內事。」又曰：「東海有聖人出焉，此心同，此理同也。」至千百世之下，有聖人出，此心此理亦莫不然。其學與朱熹不合，貽書往來，論難不置。家居，學者輻輳，自號象山學者，稱象山先生。與兄九齡相師友，和而不同。學者曰：「二陸。」○楊萬里紹興進士。侂胄悞國久，萬里臥家，憂憤成疾。有言侂胄用兵事，萬里慟哭失聲，呼紙筆書曰：「姦臣韓侂胄專權無上，樽兵殘民，謀危社稷。吾頭顱如許，報國無路，惟有孤憤筆落而逝。」萬里謁張浚，浚勉以誠意之學。萬里服教終身，名其室曰「誠學」。學者稱「誠齋先生」。○張栻，浚子，字敬夫，幼習家庭忠孝之教，以古聖賢自期，坦蕩明白，表裏洞然。學者稱「南軒先生」。有《南軒集》。易說論語解、孟子說等書。

# 設問

①高宗南遷後，首為相者誰。其主義何在。曾克實行否。②宗張韓岳四名將事，可略述否。其功最高，而受禍最烈者誰。③宋季以不屈而死虜廷者誰。從帝葬身波濤者誰。④南宋之名相，可舉一二否。⑤南宋以道學輔世者誰。最著者誰。⑥宋世之悞國悞民，卒致滅社者，可舉一二否。

## 第十四課 遼 金 夏

遼主阿保機之初帝也。韓延徽為之相。其寇邊也。盧

文進爲之導。德光之滅唐也。石敬瑭召之。其滅晉也。  
楊光遠趙延壽引進之。張彥澤杜重威踵成之。金之  
滅遼。則耶律一作余余覲都姑臨場指使其取汴也。郭藥師  
侍幄運謀。元之滅金。則李昌國面陳條畫。而崔立身  
作前驅。叛臣作祟。自古有之。而莫盛於遼金之世。西  
夏以蕞爾之區。始終與宋相抗。豈徒恃山川之險。亦  
以衆志之固耳。

### 釋義

遼世祖阿保機，起始稱帝的時候，有韓延徽做他宰相。後來侵擾中國的邊疆，則有盧文進做他嚮導。德光的滅後唐，係由石敬瑭召入的。他滅後晉，則先由楊光遠、趙延壽等引進，後有張彥澤、杜重威弄成的。以後金人的破滅遼國，則有耶律余覲親自指揮，他的奪取汴都，則有郭藥師給他謀圖。至於元人之滅金人，既有李昌國、陳獻計劃，又有崔立身作先鋒，叛臣逆子，原來世世有的。在遼金時代，要算最厲害了。那西夏據着今陝西小小的地域，倒能始終抵抗宋朝，不肯臣服，這不但是靠着山川的險峻，也因民心團結，堅不可破的緣故。

### 阿保機

遼始祖也。見第二冊十四課。

### 韓延徽

燕主劉守光（見第二冊十一課）末

年衰困，遣參軍韓延徽求援於契丹。契丹主留之，以為謀主，舉動訪焉。契丹威服諸國，延徽有助焉。

### 盧文進

事晉王（即李克用），見第二冊第九課。注：為裨將。兵叛，文進率其衆奔契丹。契丹圍幽州，文進敬之攻城，為地道，晝夜四面俱進，圍城且二百日。

不克而退。後寇渤海。遣文進據營平等州以擾燕地。

### 德光

契丹主阿保機子。見第二册十四課注。

### 石敬瑭

即晉高祖。見第二册第九課。

### 楊光遠

沙陀部人。初為唐莊宗將。與契丹戰。

折一臂。廢不用。久之。遷大鎮。後降晉。為節度使。益驕。要挾人主。稍不得志。遠召契丹入寇。冀藉其力竊帝位。其子承勳却光遠幽之。上表待罪。

帝命人

### 趙延壽

仕唐。累遷樞密使。晉高祖起義於晉陽。延壽往討。陷於契丹。契丹主德光委以圖南

之事。許以中原。帝之。乃導誘契丹。蠶食河朔。旋封燕王。德光既入汴。驅帝重貴北行。延壽乞為皇太子。契丹主不許。進大丞相。契丹主見所過

城邑邱墟。謂番漢羣臣曰。致中國如此。皆燕王之罪也。後為契丹永康王所執。以歸。竟卒於契丹。

### 張彥澤

驕悍

殘忍。歟從唐莊宗。明宗戰伐。事晉為右武衛大將軍。與契丹戰。數有功。後契丹逼大梁。彥澤與杜重威俱降。自封丘門斬關而入。城中大擾。帝

於宮中起火欲自焚。彥澤傳契丹主書撫慰之，帝遂草表降。彥澤縱兵大掠，遷帝於開封府，頃刻不得留，擇取宮中奇貨居之，封其餘，以待契丹。契丹主至，怒彥澤剽掠京城，殺之。

### 杜重威

一曰杜威，尚漢高祖女弟。

宋國大長公主，無行，不知將畧，拜成德軍節度使。重威使其民戶口凋敝，契丹兵至大梁，率晉軍十萬降，遣還鄴。晉王北至中度橋，見杜重威寨，嘆曰：「天乎！我家何負，為此賊所破，慟哭而去。」

### 耶律余覲

遼國

族之近者，其妻遼主天祚文妃之女弟。文妃生晉王最賢，蕭奉先忌余覲，誣以謀立晉王。余覲懼，叛降於金。金主又定計取遼，以余覲為嚮導。遼主與妃嬪登高阜觀戰，余覲指遼主麾蓋以示諸將。金人以騎兵馳赴之，遼主大驚，即遁去，遼兵遂潰。

### 郭藥師

遼鐵州人。遼亡，以涿易二州歸宋。宋使守燕山，金將斡離不入薊州，藥師以燕山叛降金。斡離不既得藥師，益知宋虛實，因以為嚮導，懸軍深



入卒取汴。虜二帝。徽宗北行。至那趙間。薛離不遣藥師迎謝。徽宗曰。天時如此。非公之罪。藥師慚而退。

### 李昌國

初。蒙古主鐵木真殂於六盤山。臨卒。謂左右曰。金精兵在潼關。難以遠破。若假道於唐。下兵唐鄧。直擣大梁。破之必矣。言訖而卒。子窩闊台嗣。

與其弟拖雷率衆入陝西。金降人李昌國言於拖雷曰。金遷汴將二十年。其所恃以安者。潼關黃河耳。若出寶鷄。以侵漢中。不一月可達唐鄧。

大事集矣。拖雷然之。乃趨寶鷄。入鄧州。卒破汴京。

### 崔立

金安平都尉汴危。金哀宗出走。立以太后命立從恪為梁。

王監國自為太師。都元帥遂送款詣元將速不臺降。以父事之。還城。悉燒樓櫓。大肆淫虐。括索金銀。訊掠慘酷。七八日中。諸門出葬者凡百萬。人卒以太后皇后宗室男女五百餘人。載送速不臺。速不臺盡殺宗黨。而送后妃至元都和林。

## 設問

- 遼太祖既帝。以誰為首相。
- 遼太祖始寇邊。以誰為嚮導。
- 滅後唐者誰。為誰所召入。
- 滅後晉者誰。其時叛臣

之舉作，可略述否。④遠之叛臣為誰。⑤宋之失汴，二帝被虜，誰之計為多。⑥金亡時，為禍最劇者誰。⑦自古，國有叛臣否，最甚於何世。

### 第十五課 元

元太祖鐵木真之興也，三子善將，四傑善戰，復得耶律楚材任之，武功文治，煥乎可觀。世祖忽必烈之并天下也，陷臨安者伯顏，滅趙氏者宋舊臣劉整，留夢

炎之儔也。阿合馬桑哥盧世榮培斂作奸，毒流海內。姚樞許衡竇默講文習禮，道贊興朝。繼之以吳澄李孟許謙齊履謙之倫，興學授徒，追蹤濂洛。所惜者，西僧踵集，八思巴亦憐真尊爲帝師，楊璉真伽璘真恣淫肆橫。論者謂元祚之不長者，蓋以斯也。

### 釋義

當元太祖鐵本真崛起的時候，有三個兒子，善於將兵，四個傑士，善於爭戰，又有耶律楚材幫他辦事，於是武功文治，都很可觀。世祖忽必烈的統一天下，有伯顏打破臨安（宋朝京城），又有宋朝的舊臣，劉整留夢炎等，殺滅趙氏（宋朝皇室），繼而則有阿合馬桑哥盧世

榮等苛收暴斂，害了一世的人。又一方面，有姚樞、許衡、竇默、教授、儒術、講習禮貌，專把道德輔助方輿的朝廷。又有吳澄、李孟、許謙、齊履謙等輩，與學校、授生徒，還有宋代周敦頤、程明道等的遺風，所可惜的，西僧接連來到，八思巴亦憐真，竟作帝師。以後楊璉真、伽肆橫無忌，伽璘真大開淫風。有識的人都說元朝的國祚不能延長，實為這個緣故呢。

### 三子四傑

太祖三子：朮赤、察合台、窩闊台也。四傑：木華黎、博爾朮、博爾忽、赤老溫也。

### 耶律

### 楚材

即遼太祖長子東丹王突欲（見第二冊十四課注）之八世孫。博極羣書，旁通天文地理，律曆術數之說。元太祖定燕，召見。

處之左右，謂太宗曰：此人天賜我家，爾後軍國庶政，當悉委之。太宗時，拜中書令，事無鉅細，皆先白之。凡蒙古陋風，悉為改革。元之立國規模，皆楚材所定。

### 伯顏

蒙古八鄰部人，長於西域。至元初，入事始祖，深畧善斷。將二十萬衆伐宋，如將一人，諸帥仰之。

若神明。東南之平。伯顏之功爲多。畢事還朝。歸裝惟衣被而已。未嘗言功。

### 劉整

驍將也。自金亂。入宋。歷著戰功。南方

諸將皆出其下。後與蜀帥有隙。遂籍瀘州十五郡。戶三十萬。降蒙古。爲畫策。陷襄陽。淮南。臨安。遂俱不守。亡宋賊臣。整罪居首。與亡汴之郭藥

師同惡。  
(見上課)

### 留夢炎

劉整既叛。呂文煥以襄陽叛。陳奔以貴州叛。呂師夔以江州叛。范文虎以安慶叛。留

夢炎以狀元宰相。叛仕虜廷。阻釋文天祥。恐其出而號召江南也。力薦謝枋。得欲爲元廷徵求賢才也。史家論宋季逆賊。謂前莫惡於劉整。後

莫醜於  
夢炎。

### 阿合馬桑哥盧世榮

世祖喜言財利。三人相繼而進。爭上

求利之法。算錢穀。括戶口。立規措所置徵理司。治交鈔法。怨聲四起。有諫者輒誅之。卒皆伏法。

### 姚樞許衡

### 竇默

一時大儒也。蒙古初興。宋祚猶未絕。被徵至北廷。建書院。與學政。樞。拜太子太師。默太傅。衡太保。蒙古之知禮俗。習儒術。

三人爲之倡也。但史家以其棄夏事夷，頗譏之。

### 吳澄李孟許謙齊履謙

相繼領國子學，制科舉法。及門虞集爲一代大儒。同時容城劉因，蘭溪金履祥，婺源胡一桂，金華許謙，齊履謙之倫，咸明道學，修經傳，著述之盛，冠於儒林。葉李趙孟頫等，亦皆一時之秀士。

### 八思巴亦憐眞

八思巴西域人，生七歲，誦

經數十萬言，國人號之聖童。年十五，見元主，與語大悅，日見親近。世祖卽位，尊爲國師，授玉印，命製蒙古新字，字成，詔頒行天下，凡璽書頒降，並用之。遂號八思巴曰大寶法王。至元十一年，請告西還，乃以其弟亦憐眞嗣焉。自是帝師一人死，必自西域取一人爲嗣，終元世無改焉。

### 楊璉眞伽璘眞

楊璉眞伽世祖時爲江南釋教總統。發掘故宋趙氏及大臣冢墓，盜取金

玉珠寶無數，攘奪田二萬三千畝。時西番僧佩金字圓符，絡繹道路，馳驅累百，傳舍不能容，則假館民舍，驅逐男子，奸污婦女，有司不能問，民

殿西僧者截其手，罵之者斷其舌。延祐四年，內廷佛事，用麪四十三萬九千五百斤，油七萬九千斤，酥蜜各二萬數千餘斤，元之崇佛蓋如此。○伽藍真為淫僧之尤者，謂順帝曰：人生幾何，當受秘密大喜樂禪定。於是君臣宣淫，醜聲四著，雖市井之人，亦惡聞之。順帝遂忘有天下，以至滅亡。佛之遺害，至於斯極。

## 設問

定。○元祖鐵木真之興，誰力為多。○元之立國規模，為誰所  
 其故維何。○元之興利奸臣最酷者，若干人。○蒙古初興，首傳儒術於  
 北廷者誰。○其次，明道學，修經傳者誰。世稱為秀士者誰。○首為帝師  
 者誰。○為帝師者，取自何處。○西僧之最貪  
 殘者誰。○元祚之不長，史家論之，其故何在

## 第十六課 明

明太祖藉郭子興起義濠梁徐達湯和首先歸附旋以馮國用李善長運籌帷幄鄧愈常遇春等著烈畿疆及得宋濂劉基主謀軍國天下定矣逮燕王棣稱兵方孝儒等殉難死節何其壯哉正統以後羣奸秉國然仁宣三楊弘正四傑嘉靖八子李王七子及茅坤歸有光楊慎王守仁輩或以詩文著或以禮學稱



亦云盛矣。迄萬曆朝，西儒利瑪竇、龍華民等相繼來賓，李之藻、徐光啟、瑪筆從游，整前古之瓊衡，授來世之曆算，蓋亦有明一代之盛業也。

### 釋義

明太祖朱元璋利用着郭子興的兵力，起義於濠梁地方之後，就有徐達、湯和先往歸附。是後任用馮國用、李善長籌畫計謀，

鄧愈常遇春等征服四方，未了又得宋濂、劉基主謀軍國要事，天下就此平定了。到了建文時代，燕王棧（太祖第四子）謀反，兵到南京，乃有方孝孺等寧死不降，被難殉國，他們的志氣何等勇壯呢。降至英宗正統以後，國政到奸臣手去了。到底在仁宗宣宗的時候，有三個姓楊的：弘治正德年間，有四個傑士：嘉靖年間，有王慎中、唐順之等八個士子；李攀龍、王世貞等七個文人，又有茅坤、歸有光、楊慎、王守仁輩，或著名詩文，或崇尚理學。

明代的人物，却也不少。到了萬歷年間，泰西名士利瑪竇、龍華民等，接踵來華。李之藻、徐光啟從他們求學，譯許多書籍，格正古時的天文儀器，傳下來世的曆法算術，這也是明朝很可紀念的一件大事業。

### 郭子興

定遠人。元末，人心騷動，子興據濠州。太祖往見之，子興奇其狀貌，與語大悅之，取為親兵。子興卒，太祖併統其

軍，進取金陵。

### 徐達、湯和、鄧愈、常遇春

達和俱濠州人，愈虹縣人，遇

春懷遠人，並有明開國功臣。

### 馮國用、李善長

並定遠人。國用與弟國勝率眾歸附太祖。

問以定天下計，國用對曰：金陵龍蟠虎踞，帝王之都，願先拔金陵定鼎，然後命將四出，救生靈於水火，天下不難定也。太祖大悅，俾兄弟皆居帷幄，決機密焉。後從征紹興卒，追封郢國公。○善長來謁，留幕下，掌書記，策事多中。後位左丞相，封韓國公。

### 宋濂

# 劉基

濂字景濂，浦江人，隱東明山，博極羣書。太祖徵之，侍左右，備顧問。後為修元史總裁官，兼修國史。累轉至翰林學士承旨。

知制誥。明代禮樂憲章，多濂所裁定。為文醇深，廣逸。為開國文臣之首。有宋學士全集等書。○基字伯溫，元末進士，太祖聘至金陵，陳時務十

八策，佐成帝業。封誠意伯。為文神鋒四出，極天下選。有覆瓿集等書。

## 方孝孺

字希直，一字希古，從宋濂學。建

文時，為侍講學士。燕師入，召使草詔。孝孺衰經至，號泣徹殿陛。成祖降榻勞之，願左右授筆札曰：詔非先生草不可。孝孺擲筆於地曰：死即死

耳。詔不可草，遂割舌磔於市。宗族親友坐誅者八百七十三人。有希古堂稿學耆稱正學先生。○同時殉難者有兵部尚書鐵鉉，戶部侍郎卓

敬，禮部尚書陳迪，刑部尚書暴昭，左僉都御史景清，右副都御史練子寧等。有明養士三十餘年，不負其君者，若斯之盛難矣。

# 羣奸秉國

王振、汪直、劉瑾、嚴嵩父子、魏忠賢等也。具見第二冊十六課注。

# 仁宣三

楊

仁宗宣宗朝，楊士奇稱西楊，楊榮東楊，楊浦南楊，並以文學見任，歷執國柄，其詩文士奇尤優。

弘正

四傑

弘治正德間，李夢陽、何景明、邊貢、徐禎卿、文學復古，稱為四傑。夢陽景明尤傑出，世稱李何。

嘉靖

八子

王慎中、唐順之、陳東、李開先、熊過、任瀚、趙時春、呂高、八人，倡為古文，以矯李何之弊，而以慎中順之聲華尤著，世稱王唐。

李王七子

李攀龍、王世貞、謝榛、宗臣、梁有譽、徐中行、吳國倫也。七子以攀龍為冠，世貞次之，故稱李王。

茅坤歸有光

二人稍晚出，治古文有聲。坤選唐宋八大家文鈔，其書盛行，別號鹿門，世稱茅鹿門。○有

光，字熙甫，崑山人。舉進士不第，退居安亭江上，講學著文二十餘年，學者稱曰震川先生。後成進士，年六十矣，又六年而卒。

楊慎

字用修，號升菴，年二十四，登廷試第一，授修撰。世宗立，大禮議起，慎力爭，削籍，遣戍雲南永昌衛，投荒多暇，書無所不覽。

明世記誦之博，著述之富，推爲第一。詩文外，雜著至一百餘種，有升菴集八十一卷，卒年七十二。

### 王守仁

餘姚人，字伯安，弘治進士。世宗時，封新建伯，總督兩廣，破斷藤峽賊。明世文臣用兵，未有如守仁者。卒諡文成。其學以良知良能爲主，謂格物致知，當自求諸心，不當求諸事物。故於宋儒特推重陸九淵，世稱爲姚江派。嘗築室陽明洞中，學者稱爲陽明先生。有王文成集。

### 利瑪竇龍華民

利瑪竇，意大利人，萬曆十一年至廣東，後入北京，神宗嘉其遠來，假館授餐，居中國

三十年，著有乾坤體義、天主實義、幾何原本等書，後卒於京。○龍華民亦意人，萬曆間至北京，與徐光啟等同撰新法算書，崇禎末始成。

### 李之藻徐光啟

之藻，仁和人，字振之，萬曆進士，官至太常寺少卿。光啟，字子先，號玄扈，上海人，萬曆

甲辰進士。崇禎初，以禮部尚書入閣參機務，卒贈太保，諡文定。二人從利瑪竇學天文算法火器，盡通其術，而尤專精於曆。萬曆四十一年之

漢首薦西儒龐迪我龍華民熊三拔陽瑪諾等開局譯西洋曆法崇禎二年光啟復舉龍華民鄧玉函同襄曆事三年詔徵湯若望羅雅各供事曆局七年十一月西儒上日晷星晷器多種(見明史)谷應泰論曰古今改曆者無慮數十家大約錫名雖殊立成罔異與授時都無增損迄於萬歷西儒來賓繼軌迭至一時象緯曆算之學迥出尋常默與天會李之藻既推設於定陵(萬曆)徐光啟復連茹於懷廟(崇禎)開局京圻允稱甚盛其法闡微析幽思出象表(雖使揚子譚玄洛下握算無以及此云)(見明史論)

### 設問

○明太祖從誰起兵。○明之開國功臣可指若干否。○明之開國文臣首推誰。○燕王稱兵殉難之最著者誰。○正統以後之誤國奸臣可舉一二否。○何謂三楊四傑嘉靖八子李王七子。○茅坤歸有光以何著名。○明世記誦最博著述最富者誰。○明世之法誰為修正後世有賴否。○中國曆之禮學大家為誰。

第十七課 清

吳三桂引滿兵入關，功已成而身亡家破。鄭成功扶明室復社，志未遂而義著聲昭。二人得失，不待知者而明矣。清之初入也，多爾袞猜忌，鼇拜跋扈。繼之以宗室內訌，和坤貪殘。清廷何多亂也。聖祖高宗數事征討，兩舉鴻博，文人武士，網羅殆盡。然而勝國遺民，中原秀彥，不求聞達，敦學篤行者，指不勝數。有清儒

# 風，豈多讓於往代也哉。

釋義

明朝吳三桂領滿洲兵進了山海關，成了開國的大功，無如不多幾年，就身亡家破。至於鄭成功欲扶持明室，復還國土，他的

志願雖未實現，他的忠義，昭著天下。這二人那好那不好，誰也都明白。當清人入關的初年，攝政王多爾袞，生性猜忌，康熙朝釐拜傲叛，雍正時皇族相殺，嘉慶時和坤貪殘，清廷上擾亂多了。但聖祖高宗屢次出征，兩次舉行博學鴻詞科，天下文人武士，收羅乾淨了。到底明朝的舊民，中原的秀士，不肯出仕，一意求學修行，多得不可計算。清朝的儒風，比較前代，不算退步了。

## 吳三桂

見第二冊十七課。

## 鄭成功

芝龍子，初名森，字大木，賜姓朱，改名成功。天啟

時，芝龍據海島為盜，受招撫，累官總兵。明亡，擁唐王（見第二冊十七課注圖）恢復，兵敗降清，成功遁入海島，據南澳，連攻舟山及福建諸府軍



勢大振。直抵南京，謁孝陵。寧徽諸城望風反正。卒失備，為清兵所敗，走據臺灣。通聘斐理濱羣島，西班牙諸國，時號為國姓爺，名顯歐洲。卒以疾薨。子經嗣，仍奉永曆正朔。二十年，多爾袞順治入帝年，薨。子克塽立，乃降於清明朔始亡。

### 多爾袞

順治入帝年，甫六歲，多爾

袞攝政，心懷篡逆，忌帝兄豪格，初廢為庶人，繼而斃之於獄。附豪格得罪者數十人，納豪格妃為己室。已而疾卒，世祖宣其罪狀，追奪封典，籍

沒家產，阿附者悉置重典。

### 鼇拜

康熙踐阼，年僅八歲，索尼、蘇克薩哈、遏必隆、鼇拜遺詔輔政。鼇拜與蘇克薩哈有隙，

列其二十四大罪，強子絞決，并滅其族。鼇拜驕恣日甚，潛謀不軌，帝以侍衛十餘人執之，付詔獄，廷勘罪狀三十款，付外廷伏誅。

### 宗室內訌

康熙十四子，第二子胤礽以嫡立為太子，性甚弱，不悅於帝。一再冊立，仍被廢斥。於是諸皇子希冀

非分，相與蓄衛土，結宦官以自助。六十一年冬十一月，帝疾。是日，世宗三次入宮問疾。至日入時，俄傳駕崩，皇四子胤禛奉遺詔即位，是為雍

正中外頗滋疑義。雍正既立，恐諸兄弟不利於己，伺隙革廢之，錮禁之。王公大臣有附皇子之嫌者，俱極刑處死，或發遣遠邊。參奏皇子之過者，立加重賞。帝初卽位，慮諸王為變，常令年羹堯衷甲以從。羹堯以平西藏青海積功，爵上公。晉太傅，賜黃金服飾。皇子之服也。寵異之特甚。後帝委以密察皇十四子胤禔之劣跡。胤禔擁重兵在外，深得人心，羹堯無可指劾，力為奏辨。帝深滋不悅。會羹堯被蔡瑛劾奏，諸臣迎合，奏參臚列九十二大罪。帝令羹堯自盡，子富立斬。餘十五歲以上之子，發遣極邊，妻還母家。族中文武官革職。其嫡親子孫，將來長至十五歲，陸續發遣，亦不赦回。有匿養其子孫者，以黨附叛逆例治罪。父一等公太傅遐齡年八十餘，初亦坐死，以大學士朱軾力爭得免。

### 和坤

坤本滿洲官學生，應役鑾儀衛，以昇御橋應對稱旨，見悅於高宗（乾隆）累遷至吏部尚書協辦大學士。晉封公用事二十

餘年，貪黷無度，中外臣工奉承恐後。高宗崩，仁宗立，頗不悅之。會御史廣興疏發其罪，奪職下獄。尋宣布其二十大罪，賜自盡。抄沒贓賄，得八

萬萬有奇。時人爲之語曰、  
和坤跌倒、嘉慶喫飽云。

### 征討

聖祖平三藩、定準噶爾、西藏、  
高宗平金川、苗族、準部、回部

及西南諸國、其時將士如雲。乾隆二十六年、  
紫光閣成、賜諸大臣以功臣五十人畫像。

### 鴻博

康熙十七年春正月、

詔舉博學鴻儒、後避高宗諱、弘儒改鴻詞。凡有學行兼優、文詞卓越之士、不論已任未任、令在京三品以上及科道、在外督撫布按及學政、各舉所知、以應。十八年春三月、諸臣疏薦者一百四十三人、其不至者僅六人。集於體仁閣、帝親試之。試題瑤璣玉衡賦、省耕詩、五言排律二十韻。得士五十人。高宗初即位、復詔舉博學鴻詞。乾隆元年秋九月、到者百六十七人、御試於保和殿、取十五人。二年秋七月、補試、復得四人。皆置翰林、修明史、纂四庫全書等、文學大昌。諸儒清代諸儒、隱逸者居多、以派別綜述之、畧如下。

漢學、黃宗羲、

顧炎武、王夫之、閻若璩、毛奇齡、惠棟、江聲、王鳴盛、錢大昕、戴震、王昶、胡渭、萬斯大、萬斯同、顧祖禹、張爾岐、馬驥、王念孫、王引之、段玉裁、龔自珍、

盧文弨、紀昀、全祖望、章學成、趙翼、魏默、劉獻廷、  
梅文鼎、梅文鼎、阮元、畢沅、俞樾、康有為、梁啟超、  
理學 ○ 湯斌、陸隴

李顥、傅山、朱用純、  
李生光、杜越、顏元、  
古文 ○ (桐城派) 侯方域、魏禧、汪琬、姜宸英、邵長

泉文、陸繼輅、董  
士錫、李兆洛等、  
詩詞 ○ 錢謙益、吳偉業、宋琬、施閏章、陳維崧、彭孫

餘、杭世駿、厲  
鶚、吳梅村、  
遜、王士禛、朱彝尊、尤侗、趙執信、查慎行、袁枚、蔣心

### 設問

○ 吳三桂何如而亡。○ 鄭成功以何而著。○ 世祖時之攝  
政王、聖祖之輔政大臣、為誰、俱何如終。○ 世宗時之內訌

如何。○ 乾隆之寵臣為誰、何如終。○ 何謂鴻博科、共舉幾次、得人若干。  
⑦ 清代諸儒、顯宦與隱逸者孰多。⑧ 清代各派大儒、可舉其大概否。

第十八課 中華民國（至十七年止）

中華民國之興也。首發難者，山陰徐錫齡。踵而成者，武昌民軍也。及成立而後，總統者凡七易，六人。總理國務者，十餘年內，二十餘易。督軍、軍長、司令，更不計其數。各挾黨系，互相戰攻。逮黨軍北進，統一寰宇，而共黨乘釁並起。及早剷除，是有所望於執政者。

釋義

中華民國的興起，首先發難的，是浙江山陰縣的徐錫齡，繼續成功的，是武昌的民軍。及到民國成立以後，更換過總統七次。

前後六人。至於國務總理，十多年中，竟更換了二十多次。督軍、軍長、司令，更不可計算。各隨各的黨派，彼此爭戰不休。及到黨軍向北來到，便一統了天下。只是共產黨乘機興起，蔓延數省，及早剷除乾淨，有煩執政的人們了。

### 徐錫齡 武昌軍

見第二冊  
十七課

### 總統

一、孫文、民國初立，為

南京臨時總統。元年二月十三日，出書辭職。四月一日解職。○二、袁世凱，元年二月十五日，當選臨時總統，留北京。十月六日，當選第一任正式總統。四年十二月十三日，發生帝制。五年三月十二日，撤消帝制，復為總統。六月六日亡。○三、黎元洪，民國初立，即為副總統，及袁氏亡，五年六月七日，代理總統職務，以仍在袁氏總統任期內，故曰代理，下同。六年七月十四日，以復辟之變，引咎退職。○四、馮國璋，五年十月十三日，當選副總統，坐鎮南京。及黎氏退，六年八月一日，進京代理總統職務。七年八月十二日，以袁氏總統任期已滿，通電下野。○五、徐世昌，七

年九月四日、當選總統。南方以其爲新國會所選、謂之非法總統。乃於  
 十年一月十二日、舉孫文爲南方總統。但舉者、爲南方非常國會、亦不  
 合法。十一月五日、徐氏通電辭職。六月二日、出京。○六、黎元  
 洪、十一月六日、復迎爲總統。十二年六月十二日、出走。○七、曹  
 錕、十二年十月五日、以四百八十票當選。每票酬以五千元。時人謂之  
 賄選。十月十日就職。十三年十一月二日、通電辭職。自是以後、以國務  
 總理攝行總統職務。總統不復置矣。

### 內閣總理

一、唐紹儀。二、陸徵祥。未就  
 職。三、趙秉鈞。四、熊希齡。五、

孫寶琦。代熊。六、徐世昌。以上皆在袁總統時。七、段祺瑞。八、伍廷芳。九、江  
 朝宗。代伍。以上黎總統初任時。十、段祺瑞。十一、王正廷。十二、段祺瑞。以  
 上馮國璋總統時。十三、錢能訓。十四、靳雲鵬。十五、薩鎮冰。代理。十六、梁  
 士詒。以上徐世昌總統時。十七、顏惠慶。十八、王寵惠。十九、汪大燮。二十、  
 張紹曾。以上黎元洪二任總統時。廿一、高凌霨。曹錕總統時。廿二、黃郛  
 (攝行總統職務。廿三、段祺瑞。爲臨時執政兼總統內閣國務職權。廿四、

顏惠慶。此後，張作霖以大元帥，主持一切。及黨軍北進，一併取消。

### 黨系

軍人黨系，不勝複雜。而此黨與彼黨，離合

不常，更難劃一。大約北有直皖奉三大系，直系馮國璋，後復分津保洛三系。津系王承斌，保系曹錕，洛系吳佩孚，及馮玉祥組織國民軍。韓復

榘等從之，又添一系矣。○皖系段祺瑞，倪嗣冲，徐樹錚，曲同豐，盧永祥，何豐林等。○奉系張作霖，張作相，張景惠，李景林，楊宇霆等，皆是。

南亦分粵桂滇三系。粵系孫文，陳炯明，許崇智，黃大偉，李烈鈞，胡漢民等。後孫陳交闕，復分為二矣。○桂系陸榮廷，莫榮新，陳炳焜等。○滇系

唐繼堯，楊希閔等也。其餘湘鄂為南北交戰之區，川閩未能自立。江浙先後為皖系盧永祥奉系楊宇霆所有，於是起齊燮元盧孫

(傳芳)奉之戰。見第二冊十八課。

### 黨軍

總司令蔣介石。北伐功成，共推為政府主席。

### 共黨

首領鄧演達，蘇兆徵等，見第二冊十八課。清黨後，共跡未能剷除，乘機復起，勢所必然，為禍不堪設想。杜亂塞源，為執政之天職，民國國民，禱



焉。祝深

## 設問

○中華民國首發難者誰。踵而成者誰。○民國總統凡若干。易若干人。可一一指舉否。○國務總理凡若干。易。○軍人黨系。大要若干。○中華民國戰爭無虛日者。何故。○黨軍總司令爲誰。○共黨首領爲誰。○爲民國治安。第一要務爲何。

(高級小學歷史課本第四冊終)

中華民國二十四年十二月再版

高級小學歷史課本

第一三  
第二四 冊

售價每冊

一角一分  
八分

編纂者 徐家匯光啟社

印刷所 土山灣印書館

發行所 土山灣印書館

# 西 文 教 科 書

土 山 灣 印 書 館 出 版

辣丁切音表……………七分

辣丁文津……………一角二分

辣丁文進階……………四角

辣丁文入門……………六角

辣丁文文範……………六角

辣丁尺牘模範……………四角

辣丁中華字典……………二元五角

法語讀本

第一年用 二冊……………各六角

第二年用 上冊……………五角  
下冊……………六角

第三年用 二冊……………各六角

法語進階……………一元二角

字文釋例……………一元二角

法文初範……………一元二角

中學法文文範……………一元二角

修詞初級……………一元二角

法文菁華……………一元二角

法華袖珍辭典……………

12